

廿六年三月卅日

輯編穆誦謝 任主雷淵陸

號四十二第

中華民國二十五年九月出版

中醫新生命

淵雷



| 錄 | 目 | 期 | 本 |
|---------------|----|----|-------|
| 本刊二年紀念詞 | …… | …… | 記者 |
| 中醫系統學生命宇宙篇之疑問 | …… | …… | 陸淵雷 |
| 與批評 | …… | …… | 陸淵雷 |
| 太炎先生論醫集序 | …… | …… | 陸淵雷 |
| 漢藥之知識 | …… | …… | 久保田晴光 |
| 吳山散記 | …… | …… | 沈仲圭 |
| 中醫偽書考 | …… | …… | 衛原 |
| 中醫脈學之檢討 | …… | …… | 姜白鷗 |
| 糖尿病 | …… | …… | 孫西園 |
| 關於方劑 | …… | …… | 誦穆 |
| 關於橙皮橘皮之答案 | …… | …… | 孔伯毅 |
| 驗方叢話 | …… | …… | 孔伯毅 |
| 余雲岫中國淋病第一例之商榷 | …… | …… | 姜天哀 |
| 茶餘醫話 | …… | …… | 陳雅愉 |
| 中醫病名之研究 | …… | …… | 本刊 |
| 診病奇核 | …… | …… | 雨蒼譯 |
| 醫案 | …… | …… | 陸淵雷 |
| 課卷 | …… | …… | 謝良毅 |
| 某君問 | …… | …… | 陸淵雷 |
| 答某君 | …… | …… | 陸淵雷 |
| 王壯公問 | …… | …… | 誦穆 |
| 答王壯公 | …… | …… | 誦穆 |
| 陳達三君來書 | …… | …… | 陸淵雷 |
| 祝人魁君來書 | …… | …… | 陸淵雷 |
| 醫學新聞 | …… | …… | 陸淵雷 |
| 流行病須知 | …… | …… | 陸淵雷 |

國立北平圖書館藏

減費函授中醫學

本醫室開辦遙從函授科學化之中醫學。瞬已三年。學者皆深表滿意。今續招新學員。凡國文通順。有志學醫者。不限年齡性別。皆可入學。尤宜於後開各界人士。(一)謀家庭衛生。欲得醫藥知識者。(二)感中醫學說太玄奧。欲得科學化合理化之醫學學說者。(三)西醫欲兼學中醫者。(四)舊中醫欲補充新學說。及臨診上之知識技能者。國府新頒中醫條例。中醫須有傳染病及他種與西醫相同之知識。此種知識。遙從講義中最為詳備。

今應外來要求。適應衰落之社會經濟。將學費減輕。計三十箇月習完。只費銀七十一元五角。可謂學醫之最低代價。交費法詳章程中。函索附郵五分。空函不答。欠資信不收。

上海牯嶺路人安里陸淵雷醫室啓

陸著醫書

金匱要略今釋 本書比傷寒論為難讀。故古今注解極少。近出參以新理者。尤渺不可得。遑論精粗。淵雷此著。後於傷寒今釋三年。自謂發明新義極多。比傷寒今釋更善。連史紙精裝八厚冊。定價十二元。實售七折。郵費四角。國外酌加。

傷寒論今釋 用科學解釋最有價值之舊醫書。說解詳明。徵引極博。可以作研讀古書之鎖鑰。亦可以實際應用。與金匱今釋同為中醫學必讀之書。連史紙精裝八厚冊。定價十元。實售七折。郵費三角。國外酌加。

陸氏論醫集 淵雷歷年論醫文字。文言白話。長篇短篇都有。議論精警。趣味雋永。連史紙精裝四大冊。定價五元。實售六折。郵費二角。國外酌加。

發行處 上海牯嶺路人安里陸淵雷醫室內

代售處 上海三馬路千頃堂書局
上海四馬路二八三號國醫印書館

陸淵雷著 金匱今釋

此書初印千部。現已將次售完。頗有寒士愛讀。來函要求另印廉價本者。因改用報紙兩面印。西裝兩厚冊。書品較原印連史本為小。一切以價廉為目的。然內容與原本完全一樣。印刷裝

訂。雖不求美觀。但仍求清朗堅實。實價四元二角。較連史本價廉一半。郵費二角。國外酌加。

發行處 上海特嶺路人安里十一號陸淵雷醫室 電話九三二八六

湯士彥主編 中國醫藥研究月報

本報以研究中國醫藥為宗旨。定每月十五日出版。一冊特約海內外各名醫撰述。內容分醫藥評論、醫藥學說、醫藥專著、醫藥雜俎、醫藥新聞、醫藥介紹、醫藥問答、醫藥餘興等欄。評論務求切實。學說力避空泛。醫藥界及社會人士尤宜人手一編。創刊號定十月十五日出版。預定全年連郵一元（郵票十足通用）又凡定閱本報者一律致發本社研究員證書（附繳證書費二角）有向本報責疑及優先刊登本人作品之權利。藉示共同研究之旨。

中國醫藥研究月報社

（社址）杭州直吉祥巷五十二號

時逸人先生著 中國婦科病學

本書為中西合參之著。內容共分三編。第一篇月經病。第二篇胎產病。第三篇產後病。舉凡婦科各病。逐層剖析。備極精詳。證候診斷。治法處方。皆有精深之經驗。醫家病家。手此一編。足供按圖索驥之需要。定價一元。特價八角。郵力外加。

發行所 山西太原中醫改進研究會

本醫優待遙從新例通告

本醫室自出書報。對遙從部同學向有優待價。計傷寒今釋減一元一角。金匱今釋連史本減一元三角。報紙本減四角。陸氏論醫集減五角。中醫新生命減二成。並非招徠。乃因普通心理皆喜便宜。而師生之誼不妨優異故也。詎此例行出。有善打算者。交一箇月束脩。連帶全買三種書。定一年雜誌。則所費只二元一角。除講義及發問權利不計外。所得便宜。乃在二三元以上。是優待之例。反引起學者貪鄙之心。殊非始料所及。今改定新例。優待價仍舊。惟於適用優待價之時。間加以限制。凡初加入遙從者。適用於傷寒今釋。肄業半學期以上者。適用於論醫集。肄業至第二學期者。適用於金匱今釋。仍只許買一種。不得兩種並買。在學肄業者。適用定雜誌。每次至多只許定一年。惟已畢業者。得永久八折定閱。凡不合上定時期。或肄業中輟。或所買不止一部者。皆照普通價計。特此通告。 廿五年九月陸淵雷醫室啓

陸淵雷
謝誦穆 啟事

自蘇州國醫學校新成立研究院。以淵雷爲內科研究主任。誦穆爲編輯部主任。皆載於簡章中。見者或以淵雷等既就事蘇州。因疑本醫室遙從等舊業是否繼續。紛紛函詢。茲特正式聲明。淵雷等對蘇校職務。不過遙攝。人則仍居上海。本醫室一切事業。皆照常進行。遙從講義且加速編印。淵雷間或到蘇演講。大約月不過一次。不致妨礙其他事務。此啓。

言 論

本刊二年紀念詞

記者

新生命創刊二年。以識力之微薄。語其貢獻。或未足以饜醫界同志之屬望。猶幸同志督促之力。使吾人勉力從事。以至於今。其間如撰述諸君惠稿之美富。四方讀者宣揚之熱心。所以扶植本刊者。爲意良厚。此皆使吾人感奮興起。益思以更大之努力。貢獻於醫界者也。

自中醫條例頒布而後。中醫於法律上已獲優越之地位。而中醫學術之水準。應有相當之提高。中醫之科學化。應使之進入具體化之境界。凡此皆須積極進行。而需要充滿朝氣之刊物。以溝通醫界之意見。以公布整理研究之成績。本刊願與海內醫刊。共負此重大之使命。

惟在此過渡時期中。尙有極少數同道。迷惘氣化。其學說之悠謬。自不待言。本刊將一一指陳其錯誤。而促其反省。庶中醫科學化之六業。得以早日完成。今後本刊將秉此宗旨。作一貫之努力。不以環境之艱阻。而易吾人之操持。兼程以進。

必有達到目的之一日。是則堪以告慰於愛護本刊者也。

中醫系統學生命宇宙篇之疑問與批評續廿三期

陸淵雷

原文第二題目爲「造成生物命的原素。」例以下文第三題。及本題中原文。命字上似脫生字。其文曰。
字。空間也。宙。時間也。——

此宇宙之定義是矣。然與上文矛盾。上文固但有空間。未有時間也。吾再三求其故。或者上文之宇宙因愛因斯坦尙未出世。故未有時間。今則愛因斯坦已從彭君筆下產出。故已加入時間耶。畢竟是否此故。仍須彭君明教。

造成生命生物（按疑是生物生命之誤）的原素。并非宇宙。乃宇宙間的大氣。——
目的欲說明生物生命而已。造成生物生命的原素。既不是宇宙。而是大氣。則上文費盡氣力。露盡破綻。以說宇宙。卻是
何苦來。若謂大氣是宇宙間的。欲說大氣。故不得不說宇宙。則一切事物無不在宇宙間。將無往而不說宇宙矣。如此編
審。真是自討苦喫。

大氣者陽氣與陰氣也。何爲陽氣。太陽射到地面的光熱是也。何爲陰氣。太陽射到的光熱已過。與光熱未來之間
的氣是也。

原素吾聞之矣。大氣與陽氣陰氣。乃至太陽射到地面的光熱。吾亦皆聞之矣。若謂大氣爲原素。而大氣又卽陽氣陰氣

又即太陽射到地面的光熱。則吾未之聞也。信如所言。則光熱爲原素矣。例如說。『乙爲甲。而乙卽是丙。丙卽是丁。』則丁之爲甲不待言也。然以吾所聞。宇宙間原素之已知者八十餘種。而光熱不與焉。光熱不過一種現象。非物質故也。近世亦有認光爲若干種物質合成者。則光中有若干原素。或尙可能。熱則未有認爲原素者。彭君知熱爲原素。乃化學上一種驚人發明。其偉大不在愛因斯坦之下。第恐彭君能言之而不能證實耳。

自有太陽已來。未嘗有一瞬間不射其光熱。地球既未嘗脫離軌道。以出於太陽光熱以外。卽地面（統全地球而言）未嘗有一瞬間不受太陽之光熱。今云「太陽射到的光熱已過。與光熱未來之間。」鄙人不敏。實在尋不出此時間。既無此時間。更安有其「氣」。由是言之。彭君之宇宙。乃但有陽氣而無陰氣也。若謂「昏夜日不見光。體不覺熱。此時今日之光熱已過。明日之光熱未來。其間之氣卽是陰氣。」則吾尤不能領悟。夫科學上所謂光。不限於肉眼之得見與否。故不用分光鏡。不見太陽光之排列七色。不用特殊方法。不能證明其有紫外光。肉眼雖不見七色排列與紫外光。然七色與紫外光之存在自若也。科學上所謂熱。高低則有之。不因肉體之感覺溫涼而斷其有無。故冬日凜然畏寒。而地面受太陽之熱自若也。地球當昏夜之半面。雖不向太陽。其全體仍沈浸於太陽光熱之中。其時太陽之光熱。因地面空氣中諸物質分子之反射。亦能及於昏夜之半球。若因日不見太陽光。體不覺太陽熱。遂謂此時不受光熱。則井蛙之見耳。且光與熱相因。苟無光。卽無熱。苟絕對無熱。則其嚴寒之苦。必千萬倍於南北二極之冰天雪窖。一切生物胥不能保其生命。彭君豈能度此必死之夜哉。是故雖在昏夜。仍源源不斷的受太陽之光與熱。惟肉眼肉體似乎不能感覺耳。由是

言之所謂「光熱已過與未來之間。」果安在耶。

夫以晦明爲陰陽。說本可通。使鄙人爲彭君捉刀。其詞當曰。「地面生物受太陽之光與熱。以爲生化之源。晝夜之間。向日爲陽。背日爲陰。四季之中。太陽光直射爲陽。斜照爲陰。陰陽巡環往復。萬物於焉生長老死。」如是措詞。誰得而議其非。若如原文。則大有語病。故彭君此一節。病不在內容。而在文字。似尙可原。然醫書動關生死。若因文字不妥之故。讀者發生誤解。則貽害胡底。且以堂堂中央國醫館之編審委員。而文字不能妥帖。館長又特賞此等文字與學說。爲之作序表揚。豈其是非之見。嗜好之情。有異乎常人者耶。至於造成生物生命之原素。是否爲陽氣陰氣。皆空言無徵。姑置不論矣。

原文第三題。爲「產生生物生命的方法。」其文曰。

造成生物生命的原素。是地面之際的陰氣陽氣。產生生物生命的方法。就是這陰氣陽氣彼此交感所成的圓運動。陽性本動。陰性本靜。本是各走極端的。不能成圓運動也。一自動的太陽光熱。來到地面靜的陰性之內。陰中有陽。靜者亦動上來。陽在陰中。動者亦靜下去。彼此相愛。於是動靜相交。旋轉升降。遂成一個圓運動也。此圓運動的中心。名曰中氣。

陽動陰靜。陽剛陰柔。陽明陰晦。陽外陰內。若是者數之無窮。皆取相反之二事。以窮陰陽之情狀而已。然不能施之。事事物物而必然也。何以言之。例如在人。男爲陽。女爲陰。陽當動。陰當靜矣。至於入定之老僧。男也。而可謂之動乎。跳舞之遊

女。女也。而可謂之靜乎。又如四季。春夏爲陽。秋冬爲陰。陽當剛。陰當柔矣。然而清勁殺厲之氣。感於秋冬。陰也。而可謂之柔乎。溫柔潤澤之氣。感於春夏。陽也。而可謂之剛乎。蓋陰陽中種種相反之象。但可隨事物而取其一二端。不能任取一象。強一切事物以必然也。彭君此處所謂陰陽。既指晝夜之晦明。則陰晦陽明。陰寒陽熱（即所謂光與熱）而已。於動靜乎何關。徒欲牽就其圓運動之莫大發明。乃不能不說以動。既欲說動。而無以解於陰體之靜。乃生出「靜者亦動上來。動者亦靜下去」等離奇可笑之語。不知此等曲說。只可自欺。不足以欺。稍能讀書。稍具科學知識。如陸淵雷者也。試推論之。彭君以太陽光熱射到者爲陽。不射到者爲陰。換言之。即有光熱爲陽。無光熱爲陰。（地面無絕對無光熱之時。與地。上文已說。今姑丟開。）然既無光熱。則陰果是何物。若謂無物。則何能與陽「相愛」「相交」。以成圓運動耶。若謂陰指包圍地面之空氣。則空氣非即所謂大氣耶。彭君固言大氣即陽氣與陰氣。未嘗專指陰氣也。即使空氣果是陰。然彭君又言「地面靜的陰性」。則近地面五英里圓運動個體範圍之內。其空氣當靜。然而近地面之空氣。常因冷熱不勻。生交流作用。以成風。實乃動而不靜。反之。離地面稍遠。出於圓運動個體範圍之外。有所謂同溫層者。不生交流。其氣反靜。更遠則太空受太陽光熱之處。皆至靜而不動者。則光熱果動乎。（原文云動的太陽光熱）地面果靜乎。若謂陰陽只是一個大氣。當其與光熱相遇時爲陽。不與光熱相遇時即爲陰。則彭君所謂「動上」「靜下」。以成其圓運動者。亦只是大氣矣。大氣之動。目雖不見。可以感覺爲風。自古但有八風。來自四方四維。未有清風習習上下於脚底地面之際者。（彭君之圓運動。其中心在地面之際。）則所謂「動上」「靜下」之陰陽。果是大氣乎。宋元以來醫書高

談天地氣化者。非不娓娓動人。一經考索。卽矛盾錯誤。遍身無完膚。不謂時至今日。尙有彭君其人。爲之推波助瀾。至於斯極也。

抑彭君於此喋喋言陰陽動靜者。將以說明「產生生物生命的方法」也。生命吾不敢知。若其體質。則動植物固各有其孳生之法。植物之孳生。隱花者以分裂。顯花者以雄蕊粉被於雌蕊。動物之孳生。則以交媾。惟人亦然。「相愛」「相交」則有之。皆無所謂「旋轉升降成一圓運動也。」吾料彭君必娶有夫人。或且已生下少君小姐。必已身經「相愛」「相交」之事實矣。豈彭君賢伉儷之相愛相交。乃旋轉升降而成爲圓運動耶。

末云「此圓運動的中心名曰中氣。」突如其來。羌無故實。蓋說到大氣陰氣陽氣。正說得烟舞氣漲之際。忽然記起醫書舊說有所謂中氣者。無可曲說附會。只得硬着頭皮。堆將上去。圖窮匕見。黔驢之技窮矣。謂予不信。請看下文。

造化之生物也。先有陰陽的升降。而後成生物的中氣——

上文說中氣爲圓運動的中心。圓運動成於陰氣陽氣。陰氣陽氣又卽是大氣。卽是太陽之光熱。然無論爲光熱。爲陰氣陽氣。爲大氣。分明皆不是生物。則彭君於上文所請出之中氣。決非生物身上之物也。今一轉身間。中氣又變成「生物的」了。恐孫悟空之七十二般變化。不能如此神速。彭君變化本領。又出孫悟空之上。任爲國醫館編審委員。真是大才小用。

物之有生也。先秉造化旋轉的中氣。而後成體氣的升降——

吾反復讀上文六句，竟恍然而大悟矣。蓋造化先升降出一個中氣來，隨即給與生物，生物得此中氣，再將他自己的體氣升降也。……不錯，孺子可教，竟能讀懂彭君大作矣。——但造化升降出之中氣，本在「地面之際」。彭君於上文，明謂圓運動半在地上，半在地下，其中心正當地面也。中氣既是圓運動的中心，則亦必正當地面可知。鄙人畢竟愚魯。於此又有疑問。夫造化給此中氣與生物，縱使生物既得此中氣之後，可以隨身攜帶，任意遊行，然當造化與生物將此中氣授受之際，必適在地面無疑。何也？圓運動之中心未嘗離去地面故也。今請以人體為例，請問人體接受此造化之中氣，在於何時？在父精母血陰陽媾合之時耶？則夫婦「相愛」「相交」必先掘一地窟，夫婦二人之體，必須半在地上，半在地上，其生殖器必須恰當地面之際，不許有一寸一分之太高太低，不然則接不到造化圓運動中心之中氣，不能成胎產子也。又不然，則所產子女體中無有造化中氣，其體氣將一世不得升降也。……接受中氣在呱呱墮地時耶？則產婦坐草，必須掘一地窟，半身坐於窟中，必須將產門對準窟口之地面，不許有一寸一分之太高太低，不然則所產嬰兒接不著造化圓運動中心之中氣，其體氣將一世不得升降也。……然而世之交媾與坐草者，未嘗如是費事大做，則其中氣果從何處乘之於造化耶？

中氣轉旋。體氣升降。中氣如軸。體氣如輪。——

從此又多出個「體氣」來，亦是突如其來，莫知所從。在彭君或者以為體氣乃普通常識，不言可喻，但恐讀者不能悉如彭君之高明，仍復不懂耳。「如軸如輪」果是巧譬善喻，然而吾輩瞽者，結果必等於扣槃捫燭，此體氣究是何物，如

何旋轉。仍望彭君有以說明也。

生命之表示。在物質精神之中。物質秉性于空間。精神秉性於時間。而歸本于太陽射到地面的光熱。——

空間爲宇。時間爲宙。彭君說生命而必先大說宇宙之故。今而後始聞命矣。雖然。物質佔空間之地位。謂物質秉性於空間。猶可說也。謂精神秉性于時間。則成何話說。即使物質精神果秉性於空間時間矣。試問一生物之物質精神。能有幾何片段的說空間時間可矣。何必推之無窮而說宇宙。更何必縮宇宙爲十英里以遷就生物生命。而暴露國醫之淺陋。削除國醫之臉面耶。

如地面無太陽的光熱。空間是死不動的。更無所謂時間矣。更無宇宙矣。無宇宙便無生命矣。——

此更胡說。地面雖有太陽光熱。空間之「死不動」如故也。彭君向所謂旋轉升降之圓運動。即使果如彭君所言。則活而動者爲光熱。爲陽氣陰氣。爲大氣。而非空間也。光熱與陽陰大諸氣雖皆在空間。而空間不即爲光熱與陽陰大諸氣。則光熱與陽陰大諸氣雖動。空間未嘗隨以俱動也。謂無光熱即無時間。更謬。歲月日時固關係太陽。此乃計時之度。出自人造。非由天然。不過利用太陽而已。無太陽則時間不可以歲月日時計而已。時間之存在固無恙也。時間既不生自太陽。故未有太陽。已有時間。太陽已滅。仍有時間。誤認計時之度爲時間。乃誤謂無太陽即無時間。非謬而何。謂無太陽即無宇宙。則謬之尤謬。宇宙由空間時間經緯而成。時間之不生於太陽。已如上說。空間更顯然不關太陽。太陽懸居空間。猶燈亮之懸居屋中。不懸燈亮。屋仍存在。不懸太陽。則空間將安往耶。空間時間俱不生於太陽。則宇宙之存在。顯然

不關太陽之有無。此種絕對謬誤之說。謂之胡說。猶有恕詞。

或曰。一彭君所謂宇宙。非世所公認之宇宙。乃適在地面之際。圓徑十英里。行其圓運動之宇宙也。使無太陽。即無光熱。無陰陽。而無圓運動。無圓運動。斯謂之無宇宙耳。然此是彭君杜撰之學說。與名目。未有以推翻宇宙之舊定義。則杜撰之圓運動。不得冒宇宙之名。未能使世界學者公認其杜撰之學說。其實只好謂之警說。今謂之學說。未免玷汗學說二字。則不得逕用其杜撰之名目。而况名是實非。如所稱圓運動的宇宙者乎。苟欲使世界學者公認其學說。則對鄙人之駁論。必須有極正確極翔實之反駁。而後可。鄙人且拭目俟之。

產生生物生命的方法。陰陽升降以成中氣是也。中氣者生命也。

此又使吾莫明其妙矣。夫中氣即圓運動之中心。圓運動之中心皆在地面之際。而又無處不是。皆彭君上文所明言者。今又言中氣即生命。則當隨處俯拾而可得生命矣。彭君苟能於地面之際。拾得一生命。以示吾。吾然後乃信彭君之言。爲不妄。非然者。縱加以國醫館之頭銜。重之以焦館長之序文。而天下學者之嗤笑。終不可逃也。以上原文第三題目完（待續）

附告 此篇砌版時。有人自首都寄贈原書。其人即親受業於彭君。而不滿於圓運動說之者。來函報告彭君之爲人。今不登出。惟今後批駁。可據原書。不必轉錄。文醫半月刊。特此附告。

研究

太炎先生論醫集序

陸淵雷

古者大醫采藥於山。儲以待用。傳記所稱賣藥者。皆醫工。非藥賈也。宋元以後。醫者不自儲藥。藥賈始多。大抵人事愈繁。則分職愈細。降逮近世。藥之種植化制。無論已。至於醫。有專攻生理以明其常者。有專究病理以知其變者。有專事解剖以識病竈者。有專養菌類以察病原者。更有造作診察新法。以探索病情者。凡此諸家。皆以其所得詔告醫工。醫工受諸家之術。察病授藥。不知其他。夫如是。故病愈不得專美其醫。不愈。醫亦不居其過。譬猶珍羞百味。羅列鼎俎。或以適口療飢。或以饗饗釀病。彼耕稼田魚和合。割烹者。尸其功罪。而扛鼎蓋邊之人。不與焉。是故醫工能臨病救療。鮮能發明新理。諸學問家發明新理。臨病亦不能救療。今日遠西醫學。所以日進未已。雖拜科學之賜。蓋亦分職之效也。中土則不然。百工之研究發明。官司自昔不為獎勵。苟專攻醫學。不為臨病之工。莫能得食。醫工用藥。雖可取給市賈。然病原病理診察諸術。悉賴一人之智力。中土醫學之所以因循不進。雖受氣化玄談之毒。蓋亦官司不獎學術。無由分職故也。餘杭章太

炎先生國學泰斗。文章巨宗。常以其餘緒治醫。既博聞強記。識見卓絕。而遊其門。相與上下議論者。又皆一時之俊。是以每發一義。足令越人卻步。仲景變色。予少壯以後。棄文學教讀而業醫。業醫有年。始得親炙先生。每晉謁。先生輒引與論醫。竟日不倦。時聆精義妙理。則退而震驚。以爲中醫之發明家。前無古人。顧先生之家人戚屬。偶攫小極。輒外召醫。不自與藥。與藥亦不甚效。蓋學問家之醫學。固未可與臨病之工較一日之短長也。曩予課醫校諸生。常以科學說中醫。舊說虛妄者。雖靈素難經。不惜辭闢。諸生翕然信從。而忌者毀之。謂陸某書生。能空言。不能治病。彼意固欲得口實以毀予。予則以爲譽之過當。何則。能空言不能治病者。學問家發明開創之所爲。視臨病之工。不啻雲泥。而予何足以堪之。必也淵博深邃。冥悟精思。如章先生者。然後庶幾耳。先生論醫之文若干篇。及門謝誦穆嘗哀集謀梓行。請於先生。先生汰去大半。僅存若干篇。將自點定。百六邁否。遽歸道山。已失原稿所在。今王君慎軒再哀集之。略以年月爲次。不敢有所去取。悉校以授梓。夫遠西所稱學問家者。窮畢生之力。僅乃立一義。創一術。其人已足千古。章先生經師碩學。醫特其緒餘耳。其論醫之文。雖先生自視若有可汰。然其發前古之奧義。開後學之坦途。數十篇中。豈特一義一術而已。嗟乎。先生往矣。後起誰繼。序先生之書。不知涕泗之何從也。丙子七月。問業弟子川沙陸彭年淵雷拜序。

漢藥之知識（續）

久保田晴光

本草崇原三卷張志聰

本草求真十一卷黃宮繡

要藥分劑十卷沈金鰲

中醫新生命 第二十四號 研究

一一

神農本草經三卷孫星衍輯

神農本草經讀四卷陳念祖

本草經疏要十卷吳世鎧

本草述鉤元三十二卷楊時泰

草藥圖經一卷懷庭

本經疏證十二卷鄒澍

本經續疏六卷鄒澍

本經序疏要八卷鄒澍

本草分經一卷姚瀾

植物名實圖攷三十八卷吳其濬

植物名實圖攷長篇二十二卷吳其濬

神農本草經贊三卷葉志詵

本草三家合註六卷郭汝聰

本草匯纂十卷屠道和

本草便讀一卷張秉成

本草問答二卷唐宗海

本草述錄六卷張琦

得宜本草一卷王子接

本草話二十二卷趙學敏

本草主治二卷黃宮繡

本草新編五卷陳士鐸

本草彙箋十卷顧元交

本草洞詮二十卷沈穆

此外不但有關係於本草之書多數。在醫書中論本草者亦復不少。故清代之本草關係書。實有汗牛充棟之概。然大都歸屬於前述二種類之一。故於上列記諸書之中。試舉研究漢藥所必不可缺者。當為趙學敏之本草綱目拾遺。與吳其濬之植物名實圖攷。綱目拾遺。如其名所示。乃集本草綱目所遺漏之藥品。引用諸家之說。倣綱目之例而編纂者。其體裁內容。雖皆不及綱目。本為拾遺逸之目的。到底難望過此以上者。然增加較新之藥品多數。又補入明清諸家之說。凡研究本草者。必須備一本也。名實圖攷。則於著者死後二年。即道光二十八年。由雲南省蒙自之陸應毅校刊圖攷三十八卷。長編二十二卷。長編乃引本草經及古今諸家之說。處處插入自說圖攷。則附精密之圖記植物學之事。其所裁

植物在長編 838 種。在圖考 1714 種。著者爲嘉慶進士。歷任各地。其官跡半天下。親覽各地事物。故其所說的確。卽現在亦爲研究中國植物之唯一指針之名著也。現時舊版頗難入手。唯上海商務印書館曾發行洋裝活字本。其圖版亦見縮刷。無如到底難睹舊版面目。然亦屬研究者座右不可缺之書也。又清朝時代所出之書。如廣羣芳譜之類。書農書花譜府縣志等。可爲研究中國藥品之參考書者不少。可惜紙面有限。無遑細述爲憾。

第三章 和漢藥與新藥

漢武帝征伏三韓。移文物於是地。日本起初自三韓。次及隋唐之世。直接移入醫學。致古來醫學。受非常影響。日本醫學化爲漢方。對古來醫藥。加以以移入之漢藥。又發見土產醫藥。於是醫藥成立一種系統。所謂和漢藥或皇漢醫藥。遂見知矣。

其後在日本。幾多碩學輩出。漢方醫學之研究亦盛。在醫藥方面。頗見進步。自本草言之。其研究主定日產某種。以當漢藥某種。因漢藥大部分爲植物性。故多植物形態學的研究。大有貢獻於本草學之進步也。固不待言。而裨益於植物學的研究上。亦甚大。爾後西洋人調查東洋方面之植物時。依此得非常便利者有之。(未完)

吳山散記(續)

沈仲圭

蛋黃素

蛋黃素有充實體力。健旺精神。增加血色素與抵抗力之效。故此物不但爲戒烟良方。凡神經衰弱。貧血萎黃。一二期肺病。傳染病后之衰弱。以及一切消耗症。皆宜依爲日常補品。食法取新鮮鷄蛋黃二三枚。打鬆。和入熟牛乳。或熟豆漿中。加糖食之。惟雞卵極易變壞。夏季尤甚。此貯藏法所以不可不講。而鑑別法亦宜知其大要也。爰錄於下。

A 鷄卵貯藏法

1. 將蛋納入冰箱冷卻後。取出。曝露於新鮮空氣中。拭乾妥藏。
2. 塗豬油於蛋殼。陰乾後。藏入炭末中。
3. 將蠟溶化。塗蛋殼上。

B 鷄卵鑒別法

1. 取卵向日光照之。半透明者爲鮮卵。有暗色之部分者爲陳卵。不透明者爲壞卵。
 2. 卵端之氣胞。鮮卵小而陳卵大。
 3. 以舌舐卵之兩端。鮮卵之尖端冷。鈍端較溫。壞卵兩端均冷。
 4. 投卵於百分之十之食鹽溶液中。鮮卵當即沉下。陳卵以其陳之久暫。而定浮度之高下。
- 吾人欲求佳良之卵。當與鷄以滋養之食料。與清潔之環境。此猶金華義烏所產之豬。肉味腴嫩。迥異凡品。即以飼猪之

食料。恆用大麥故也。一法。以碘化鉀（初用五百分之一溶液漸增至百分之一溶液）氯化鈣（初用五百分之一。五溶液漸增至百分之一。五溶液）二物。拌入飯中飼雞。則雞既壯健。卵自較大。且碘與鈣對結核病頗有益。故肺病人長食此項鷄卵。獲益尤巨。

中醫偽書考（續）

衛原

三家醫案（附溫熱贅言）

三家醫案三卷。舊題葉桂薛雪繆遵義撰。吳子音刻。陸九芝云。『葉薛繆三家醫案。非特用藥之謬。彼此相似。即詞句間亦多有雷同。明是一副筆墨。不問可知其偽。志稱薛與葉積不相能。嘗自署所居曰掃葉山莊。則豈有薛而肯從葉派者乎。繆則我之自出。不聞其有此方案。偏是此種贅言。最易動聽。不託於兩先生置之可耳。乃假借大醫。使人信從。以售其欺。害斯大矣。末附陸秋山溫熱贅言。則即王孟英所收陳平伯祖恭語。及章虛谷所指薛氏溼熱條辨者。一字不易。但改祖恭爲余。自稱拙著。不值一笑。』（世補齋醫書卷十一）

金匱翼

八卷。舊題尤怡撰。陳修園云。『尤在涇著有金匱心典。卓然大家。續出金匱翼。全失本來面目。恐金匱翼爲後人之託名而刻者。』（醫學實在易卷二）（未完）

中醫脈學之檢討十

姜白鷗

大動脈瓣閉鎖不全——疾

大動脈瓣每當左室擴張。血液既射入於動脈之後。輒自然閉鎖。此其作用乃防止動脈內之血液。更逆流而仍還之左室也。若此機能發生障礙而起閉鎖不全。則動脈血液之一部。勢必還流於左室。左室既受左房輸入之正規血液。復納動脈還流之血液。室腔內血量增加。遂起鬱滯性擴張。室壁肥厚。藉使收縮力爲之亢盛。俾此多量之血液。仍復輸至動脈。是乃體工之妙能。

大動脈瓣閉鎖不全後。左室爲謀機能之調整。而營強盛之收縮運動也。脈搏多呈「疾」脈。疾者起止有躁急之象。蓋左室雖以高大壓力迫使血液入於動脈。動脈急劇膨脹。其血液之一部。照常送達毛細管及靜脈而循環全身。而另一部分則復回左室。管內血液減少。脈壓驟然消失。其勢急而且速。故名。自左室收縮。輸血於動脈而見脈搏。以迄血液逆流。而脈搏急劇消失。其間惟一瞬耳。未足以言語筆墨形容者也。故指端切脈。苟非細心體察。乃往往失之。

西醫遇此等脈。藉脈計及電氣心圖攝影。知之較易。吾中醫則無此儀器及設備。然亦可以想像得之。左室收縮運動亢盛。其壓力必高。故脈搏之前動作。強大有力。而其後動作。則因血液逆流而減少。壓力急轉下降。前之強大有力者。轉瞬消逝。所以余雲岫先生謂。「疾脈來遲去疾。」確是心得之言。然來遲去疾係相對而言。其意蓋重在去疾二字。

而脈來固不遲。何以知之。考之生理。左室亢盛收縮而脈反遲。此理之所必無也。

舊脈書之言疾脈。與此有別。謂呼吸之間。脈七至八至。乃呼吸無變態。而但脈行急速者。今以生理呼吸率與脈搏率推之。則每分鐘當得心動數一百二三十次。似與數脈相溷。殆數之甚者。而熱病證狀如身熱躁渴等。又必兼見無疑。疾爲數之甚者。何爲另立名目。意者古人臨床。屢見垂死人之脈數甚而氣促聲嘶。乃創此以別於數者。脈書謂「疾爲亢陽無制。真陰垂絕之候。」其言蓋從經驗得來。深有至理。夫亢陽無制者。身熱燔灼而體液已竭也。真陰垂絕者。心臟衰弱也。或謂心臟既衰弱矣。何以脈之數甚而見疾也。蓋體液雖竭。而燐質過度燃燒未已。身熱不退。高血溫促進副腎腺之分泌。較平時增多。此時心臟雖已無力。因得阿特列那林之刺戟。復作強有力之搏動。脈之遂見數甚而疾。惟此代償不能永久持續。俗所謂迴光返照者。故知其必死。而曰此真陰垂絕之候也。

舊脈書所謂疾。殆是熱病垂危期之脈象。而今之所謂疾者。屬瓣膜病。與呼吸體溫無關係。此其大較也。（待續）

偶然隨筆

楊子鈞

國醫公報載楊華亭君之甘草考證有曰。「千金大豆湯。大豆飲。陷胸湯。蜥蜴丸。外台乾棗湯。芫花丸。百病方。雞子湯。匈奴雙宿丸。皆甘草與甘遂並用。徐之才云。甘草與甘遂相反。而金匱甘遂半夏湯。乃甘遂與甘草並用。余曾以甘遂一錢。甘草四錢。煎服而驗之。至二十分鐘覺腸鳴。至三小時後。腹痛旋止。至六小時腹痛亦即止。無他異也。又單服甘遂末四

分。至半小時覺胃炎熱。一小時腸胃覺痛。其力上下賁豚。時而腸鳴。時而絞痛。此乃刺激腸腺之蠕動。以助其洩瀉之力。至二小時其疼痛由漸加重。三小時後大解一次。又經四小時方見澹便。後又水瀉二次始愈。經此實驗結果。乃知金匱二藥並用。非特不反。且用甘草。正所以緩和甘遂之猛烈。此如大承氣之用厚朴。以免芒硝絞腸之患。同一理也。可見徐氏之說。全無實據。云云。此言頗能闢千百年來無根據之謬說。金匱甘遂半夏湯。余會屢用不一。結果均無若何相反不良之影響。最初嫂氏患飲症。所謂心下堅滿。其心下高起。逾於心胸。舌苔非常垢膩。困頓不堪。因用甘遂末六分。甘草六分。姜半夏四錢。酒白芍錢半。生姜三錢。別直參五分煎服。瀉痰甚多。連服二劑。心下高處已平。堅滿亦減。再擬和胃滌痰。以善其後。嗣診一龍姓婦。經來落後且少。色亦不赤而黃。來時小腹上連心下而痛。每日下午。則腹脹大如鼓。時時腸鳴。心下痞堅。據患此已二年餘。醫藥無效。余亦投以甘遂半夏湯加烏藥茯苓。水瀉七八次。而腹脹已瘥。心下亦舒。又本校（浙中醫專校）生胡君。亦病留飲多年。常覺心下痞鞭不適。有發作性。發則反胃。嘔吐酸水盈盃。吐後心下較適。月必數發。眉稜骨覺痛。多方醫治不效。余初投半夏瀉心湯。病如故。繼書甘遂半夏湯加茯苓與之。而未用蜜。胡生曰。據吉益東洞所言。此方之妙。在於用蜜。若無蜜。不特不效。且恐生變。云。不卜是否。答曰。照余往昔經驗。有時多未用蜜。並無病變及眩暈作用。子放胆服之可也。果服後吐瀉十餘行。而積恙若失。觀此。足徵東人記載。不免有過於泥古處。（又方函口訣云。此方不加蜜。則反激而無效。二宮桃亭壯年時不加蜜。取大敗。受東洞督責。不可忽諸。）而此方甘草與甘遂同用。竟有如是之神效。相反之語。不足取信可知。（未完）

糖尿病

孫西園

昨侍施今墨先生診本病二例。皆以猪鷄鴨脾爲主藥。尋繹其故。得如下之淺解。特提供學術界作進一步之探討。望海內明達。有以教正。

據陳公素著內科診療醫典。本病患者含水炭素之燃燒機能減退。血液中含糖量增加。尿中亦可證明有糖。以多尿善渴。善飢爲三主證。體質亦日漸瘦弱。重症者往往現糖尿病昏睡。以致於死。療法以因蘇林 Insulin 注射爲主。惟過量則引起血糖過少。故須同時與以含水炭素。如已發生昏睡者。雖注射大量。亦難挽救。次爲食餌療法。輕症者禁食糖類。點心芋類。等含有大量含水炭素之食物。中等度及重症者。須限制含水炭素及蛋白質。如血液內含糖量增至百分之三以上。須行青菜日飢餓日每週一次。更考丁福保譯臨床病理學。糖尿病與脾臟有密切關係。故以死於糖尿之屍體解剖之。每見脾萎縮消耗硬化等。又以動物之脾臟取去之。則發糖尿病。蓋脾臟不僅分泌消化液。注入腸管。且分泌特殊醱酵素輸入血液。以分解身體中之糖分。若脾質萎縮。機能障礙。則不能分泌醱酵素。不能酸化身體內之糖分。卽糖尿病之所由起也。

綜上所述。糖尿病之起於脾臟萎縮消耗或硬化。殆無異義。（無論其爲萎縮消耗硬化。機能之障礙一也。）蓋不能分泌一分解糖分之特殊醱酵素。則血中原有之糖分不能分解。而新生者更源源而來。故血中糖量增加。雖增加而無

以爲用。故由腎臟排泄而現糖尿。糖質之排泄需多量水之溶解之。故尿多善渴。糖質既不能分解。則人身工作精力之原料。及取給於蛋白質脂肪。蛋白質脂肪之消耗過甚。則思攝食以爲補償。故善飢。然補償有限。而蹉質之排泄及蛋白質脂肪之消耗無度。故雖多食。猶日漸瘦弱。是知西醫以食餌療法施之輕症而收效者。不過症狀之一時緩解而已。恐難根本治愈也。墨師運用科學醫之臟器療法。以直接補助蹉質興奮機能爲原則。用猪鷄鴨蹉爲主藥根治之。誠開古今中西治療糖尿之新紀錄也。

墨師臨診之暇。嘗喟然論門人曰。『西醫診斷精確。惜藥不敷用。中醫學說玄誕。而藥物良效。深願彼此切磋。謀醫學之進步。乃一般所謂之科學醫者。成見太深。目中醫不足與語。坐令疾苦失治。誠大憾事。二三子務力研科學。以完成吾志。』西不敏。未能領悟師學之萬一。聞命之下。時悚惶不安。茲以文便。敬錄之。

二五九七。上午於故都

關於方劑（續）

誦一穆

禁方與祕方——史記扁鵲倉公列傳說。『長桑君亦知扁鵲非常人也。出入十餘年。乃呼扁鵲私坐。間與語曰。我有禁方。年老欲傳與公。公毋泄。』又曰。『太倉公者。齊太倉長。少而喜醫方術。高后八年。更受師同郡元里公乘陽慶。慶年七十餘。無子。使意盡去其故方。更悉以禁方予之。』所謂禁方。其實就是祕方。禁方也有散見於醫書的。徐靈胎說。『有士

之禁方。傳之已廣。載入醫書中。與經方並垂。有識者自能擇之。』有的祕方。由傳說而保存。有的是醫家試效之方。因為守祕。就成爲祕方。像東洞翁的家塾方。以十二律名方。第一方太簇丸。即人參大黃丸。第二方夾鐘丸。即硝石大丸。第三方姑洗圓。即控涎丹。第四方仲呂丸。即如神丸。第五方蕤賓丸。即平水丸。第六方林鐘丸。即甘連大黃丸。第七方夷則丸。即海浮石丸。第八方南呂丸。即滾痰丸。第九方無射丸。即牡蠣角石散。第十方應鐘散。即芎黃散。第十一方黃鐘丸。即三黃丸。第十二方大呂丸。即備急圓。假使東洞的門人不公布出來。不但太簇夾鐘等。別人不知其爲何方。不知包含那幾種藥品。而且東洞使用這類方劑的特殊方法也一同湮沒了。

經方時方——內經仲景方。稱爲經方。此外都稱時方。這是一種說法。仲景方稱爲經方。撇開內經不談。這也是一種說法。或者稱葉派方子爲時方。其餘爲古方。這又是一種說法。

研究方劑之著作——大略可以分作七種。一種是大部的類書。如宋徽宗的聖濟總錄。明周定王櫛的普濟方。兩書太浩繁。購讀都費事。一種是選輯各種成方。以備醫生研究。如王晉三的古方選註。徐靈胎的蘭臺軌範。一種是將方子編成歌訣。如汪訥庵的湯頭歌訣。張秉成的成方便讀。一種是搜集驗方。以備臨時檢用。像旅舍備要方。鮑相璈驗方新編。梅啓照驗方新編。也有醫生專記個人的驗方。像十藥神書。一種是專門整理古人某一部書的方劑的。像徐靈胎的傷寒類方。吉益氏的類聚方。一種是方論。通行的如刪補名醫方論醫方集解。略爲古一點的。如明許宏金鏡內台方議。一種是專門批評的。如朱丹溪的局方發揮。陳修園的景岳新方砭。像這樣的分類說明。粗枝大葉。有許多遺漏。

方書之刊誤——古方書往往因爲一再翻刻。以致方劑的藥味弄錯。如增廣校正和劑局方內牛黃清心丸。就有錯誤。續醫說引劉桂醫論云。『和劑局方。皆名醫所集。可謂精矣。其間差舛者亦有之。且如牛黃清心丸一方。用藥二十九味。藥性寒熱交錯。殊不可曉。昔見老醫云。此方止是黃芩射香龍腦羚羊角牛黃犀角雄黃蒲黃金箔九味而已。自乾山藥已後二十一味。乃局方補虛門中山芋丸。當時不知何故誤作一方。已上載周密癸辛雜志。余始得此說。甚未以爲然。及考諸方書。果信二方之合而爲一也。志之以俟博洽者訂焉。』

從前上海錢存濟堂藥鋪（已閉歇）請余繼鴻氏編輯丸散膏丹全集。（此書現在流傳不多）現在坊間所出丸散膏丹集。有的以凌曉五飼鶴亭集方爲藍本。有的即以錢存濟丸散膏丹集爲藍本。但錢存濟的書。刻時頗有錯誤。往往把甲方的說明。連接到乙方方名下面去。故坊間所出書亦有承其誤者。

方名同而藥品之組織異——例如黑錫丹。一方爲黑鉛硫黃沉香附子胡盧巴陽起石破故紙舶上茴香肉豆蔻金鈴子。木香肉桂。一方無陽起石。餘同前。一方爲前一方加巴戟一兩。一方僅黑鉛硫黃二味。

古方之活用——多紀蔭庭說。『古方之妙。殆不可思議。今舉其二三。如牡蠣澤瀉散料。（或加大黃。）治實腫陽水。括蕪麥九治腎氣丸證。而嫌忌地黃者。黃連湯治霍亂吐瀉不止。心腹煩痛者。梔子甘草豉湯治膈噎食不下者。苓桂甘棗湯治淋瀝累年不愈。心下痛者。白頭翁湯治腸風下血。余數年所實驗。桴鼓影響。妙不可言。用古方者。豈可不精熟哉。（錄自淺田宗伯先哲醫話。原注。陳修園曰。旋覆代赭石湯。今用于嘔吐不止之證。及噦逆。借用甚效者。取其重以降逆。

也。乾薑黃連黃芩湯。今于食入即吐之證。取用甚效。又借用麻杏甘石湯。治中暑頭痛汗出而喘口渴之外證。黃連阿膠湯。治心煩不得臥之內證。借用麻軻豆湯。育陰利濕。俱從小便而出之類。可知經方之變化如龍也。

從前我看到某一種醫書。發見其中的缺點。有一類舉出許多例子。是說該書在方劑下面所註的出處。不大可靠。譬如清燥救肺湯條下。某書註着醫宗金鑑方。其實這是喻嘉言醫門法律裏的方子。該書撰述時。取醫宗金鑑等類書爲藍本。不復去追查這張方子的來源。所以會造成這樣的錯誤。我們研究方劑的時候。這一點也應當注意的。

關於橙皮橘皮之答案

孔伯毅

讀新生命二十三號墨瀋第一則。橘皮問題。謹舉所知。以釋疑惑。按橙乃常綠灌木。幹高丈餘。葉長卵形而尖。大於橘葉。花白五瓣甚小。初冬結實。形正圓。色深黃。皮緊紋細。不易剝脫。肉瓣黏連。不易分擘。（雷按。吾鄉之橙。正復如此。惟酸苦不中啖耳。）肉瓢多液。甘甜沁齒。其皮香氣甚烈。用以泡茶頗佳。野津猛漢法醫典載治單九炎一方。以橙皮爲主藥。所用橙皮。卽是此種。廣東各縣都出。而以新會爲最佳。謂之「新會甜橙」。至於橘。兩廣雲貴通稱爲「柑」。亦爲常綠灌木。花與橙同。葉比橙小。莖有刺。亦初冬結實。形扁圓。色黃赤。皮鬆紋粗。易剝脫。肉瓣亦易分。肉瓢多液。味極甘美。故曰「柑」。（雷按。此間以温州一帶所產。色淡黃。味微苦者爲柑。色深黃或紅。味甘者爲橘。其新會橙。則稱廣橘。）其皮入藥。愈陳愈佳。謂之陳皮。廣東各縣都出。亦以新會爲最佳。四會次之。南海又次之。入藥以新會產爲正地道。惟新會所出以

橙爲大宗。橘則極少。故所謂『新會皮』者。不過如化州橘紅。增城掛綠。徒擁虛名而已。（新會出橙。前清爲貢品。橘則極少數。且非貢品。故嚴格言之。新會皮即橙皮。但處方用新會皮。而藥肆不與橙皮者。以橙皮極少入藥之機會。藥肆不備故也。）市上所售之橘。強半爲四會南海出產。真正新會產。則絕無僅有矣。（廣東僅有。上海難得。）墨潘云。『橘皮之產地。貴皮而賤橘。饕餮者就肆啖橘而返其皮。值乃奇賤。若欲連皮懷歸。則頗昂矣。』此是事實。廣東全部均如此。尤其是新會。其皮貴於橘倍蓰也。惟市橙則絕對無有返其皮者。又上海一帶。多有稱橙爲橘。例如由美國運來之橙。明明是橙。即稱爲『花旗橘子』者。此則缺乏常識之尤者矣。此信除舉個人所知者外。蒙馬蘭泉君供給可貴之資料。馬君新會人。在上海營水果業十餘年。今與伯毅同事。極誠樸。其言可信。

驗方叢話（續）

孔伯毅

（二十） 乳癰

婦人乳部起堅硬核塊。疼痛發熱。防生乳癰。宜於核塊未大。且未變色時。先以指將核塊捻軟。一面用鮮蒲公英（一名黃花地丁。莖葉皆似蒿苣。中起一莖或二三莖。莖上開黃花如菊。折之梗中有白漿。原野頗多。生草藥店亦可購。乾者藥店有售。）大者用十餘株。如小者則用二十餘株。清水洗淨。連根搗爛。取汁。沖熱酒溫服之。以藥渣敷患處。（如無鮮者。

則乾者用三錢水煎。酒沖服。服後欲睡。是其效力可溫覆取汗。汗出則愈。若核塊已大。疼痛甚。勢欲釀膿者。則不宜加酒。否則促其潰爛。不可不慎。若已成膿或穿潰。則絕對勿加酒。敷服數次。單一味即可收功。其效力不可思議。但無徵不信。因略述其驗案如下。

昔者亡妻釧荷嘗患此證。膿血淋漓。痛苦不已。鄉中醫士。無法可施。余遂挈赴廣州。覓醫院就醫。偶避雨於生草藥店。店主陳元龍君。鄰鄉人也。敘談之下。知係來省醫乳病。陳君曰。夫人之乳瘡。一味蒲公英即可收功。何必覓醫院請西醫。無乃浪費。余問君能醫否。陳君曰。不難。因命妻解衣示之。陳君診察良久。謂已成乳癰。若請西醫。則所費必有可觀。君如信我。我爲君治之。余曰。善。陳君即取蒲公英如法調治。始終用一味。每日敷服二次。三日而瘡。余厚謝之。陳君又爲余詳言用蒲公英加酒與否之標準。如上文所云。陳君又謂蒲公英祇能治陽證之乳瘡。乳癰。乳吹。乳癰。而不能治陰證之乳巖云。

去歲小妾患左乳結核。欲作瘡膿。疼痛甚。不能寐。余急覓蒲公英治之。汗出而愈。又同事之妻多人。或患乳結核。或患瘡。癰已潰未潰。壹是以蒲公英如法治之。莫不應手而瘳。驗案泰多。不具舉。（未完）

余雲岫中國淋病第一例之商榷

姜天哀

余雲岫氏據左傳昭公元年晉侯病傳。推測晉侯之病爲慢性淋病。作中國淋病第一例之文。載諸醫學評論及余氏醫

述第二集。余以爲余氏所提各節。實不能證實晉侯之病爲淋病。乃草此文。

余氏以晉侯爲淋病之理由

1 秦和深責趙孟。故推知晉侯必狹邪越軌。因狹邪越軌。故推知必患花柳病。因晉侯能再娶。且遲至十年方死。故推知必爲慢性淋病。

2 因孔疏謂蠱爲昏迷不知人之病。而晉侯當時無此現象。

3 據素問之疝瘕一名爲蠱。其證候爲出白。故斷定晉侯爲淋病。

余氏之文。前引左傳。後列推論。其推論中以秦和責趙孟之言至爲深切。因謂晉侯必狹邪越軌。故晉侯之病爲花柳病。余以左氏文章富而豔。每多張皇其辭。其失也巫。不得據此便爲晉侯患花柳之據。且子產云。「四姬有省猶可。」可見晉侯未必狹邪逾軌。

余氏云。「嘗考素問玉機真藏論曰。「脾傳之腎。病名曰疝瘕。少腹冤熱而痛。出白。一名曰蠱。」此蠱疾之證候也。花柳病中有此候者。淋病而已。釋名曰。痲。痲也。小便難。懷。懷然也。說文曰。痲。疝病也。瘕。通蠱。詩經思齊篇。烈假不瑕。鄭康成讀烈假爲厲瘕。漢唐公房碑。又作癘。蠱不遐。是假瘕蠱三字通借也。疝瘕卽疝蠱。一名蠱者。省言之也。然則晉侯因近女得疾。經良醫診斷曰疾如蠱。其證候爲疝痛出白。豈非淋病之鐵證乎。「余氏所借爲痲病較有力量之證據。卽素問所論。考素問文字。其含義每多與經傳不合。如瘕字在周語曰陽瘕憤盈。瘕言厚也。又曰火無災瘕。（通瘕）作瘕。衆起貌。

在詩經曰。下民卒瘁。瘁作病也。在左傳曰。荀偃瘁疽。瘁疽惡創也。爾雅釋話。瘁勞也。素問瘴瘡之瘁。王注謂熱。自餘若黃瘁。消瘁。瘁成爲消中。其義竟無與經傳合者。又如素問所言六氣爲風寒暑溼燥火。與左傳所言六氣爲陰陽風雨晦明者。又各不同。故以經傳證醫家。以醫家證經傳。須審其異同。若只圖證實已說。泛引他說。斯害也已。今請仍以左傳之義。證之左傳。

左傳秦和之所謂蠱

一近女室如蠱。

二女陽物而晦時。淫則生內熱惑蠱之疾。

三淫溺惑亂之所生也。

四於文皿蟲爲蠱。

五穀之飛亦爲蠱。

六周易。女惑男。風落山。謂之蠱。

按秦和所言。第一二三爲蠱之原因。第四爲文字解釋。第五六爲另一義。其證不具。然由傳文中可覓得其證狀。蓋爲一種色慾過度而呈之虛勞狀態。證之於下。

左傳惑蠱之義

一昭元年。「晦淫惑疾。杜氏注「晦夜也。爲宴寢過節。則心惑亂。」……女陽物而晦時。淫則生內熱惑蠱之疾。」

二昭元年。「是謂近女室。疾如蠱。非鬼非食。惑以喪志。」杜氏注。「惑女色而喪志。」

三莊二十八年。「楚令尹子元欲蠱文夫人。」杜氏注。「子元文王弟。蠱惑以淫事。」

第一項言宴寢過節則生惑疾。依杜注。則惑疾之證候卽心惑亂。第二項言晉侯因近女室疾如蠱。惑以喪志。至志之爲物。在左傳實指心性而言。昭九年。「味以行氣。氣以實志。志以定言。」杜氏注。「在心爲志。發口爲言。」蠱之病。孔疏謂「志性恍惚。不自知者其疾名爲蠱。」又云。「蠱者。心志疑亂之疾。若今昏狂失性。」余氏駁之云。「試思晉侯聞子產之言。稱博物君子而重賄之。識鄭公孫段魯昭公知禮。知晉險而多馬。聞屠蒯之言而徹酒。而立知氏之後。問士文伯。彼日而食詩義。言動如此。可謂心志恍惚乎。可謂昏狂失性乎。」按孔疏根據杜注。杜注根據傳文。淵原有自。師承謹守。非如宋儒之平空臆說。且孔氏所言爲蠱之病狀。今晉侯不過如蠱而已。故孔氏之說亦不爲失。余氏不解。據以之駁孔氏。因而杜注之心惑亂。傳文之喪志。並若無覩。可異甚已。第三項爲另一義。引之並以明左氏之言蠱。非同素問之所謂蠱也。

茶餘醫話

陳雅愉

外科用藥線有穿入五六寸者。修武縣有外科世醫。敷藥粉能自吸進病深處。藥力盡輒隨膿流出。法祕不以傳人。余稔

知倒扒虫能引藥入深處。意必有秘製法。故亦未試驗也。

消核丸（元參川貝牡蠣）治童年痰核生耳後頭項間頗效。此症爲童子癆之先驅。羸弱者亦多有之。以鄙經驗。必兼健脾。兒體一壯。雖核纍纍亦漸消矣。

竹瀝達痰丸能運週身之痰由大便出。以治諸痰濕症。治中風症尤有奇效。余曾親試之。此於生理學亦不可解。接骨仙桃草。產信陽洲等處。（新生命十八期李力仁君謂到處有之。）採取須在清明後穀雨節前。只取其桃。研細末。瓶裝待用。不只治跌打損傷。並治吐衄下血諸症尤效。其功效全在桃內之虫。蓋清明前虫未生。穀雨後桃開花而虫飛去矣。此則知者尙少。特筆記之。久服魚肝油驟停則吐血。久飲白蘭地酒。則易染雅片癮。余所見者極多。煙酒均富刺激性。或此種酒內有雅片質。然魚肝油本以治肺傷吐血。何以停服而又反吐血。意以本潤肺之品。停之則肺反燥而裂口又破矣。西藥多半有流弊。有反應。特記之以告世之盲崇歐化者。

中醫病名之研究（續）

本刊

（十）關於流行性腦脊髓膜炎之中醫病名

流行性腦脊髓膜炎。其病原爲一種球菌。細菌侵襲腦膜。則爲腦膜炎。炎症蔓延及於脊髓。角弓反張。則爲腦脊髓膜炎。中醫界或稱爲疫癘。疫謂其有傳染性。癘指其癱攣之證狀。然疾病之癱攣而能傳染者。不止流行性腦脊髓膜炎。疫癘

一名之不妥。無待辭費。中醫書上病名與此有關者。約得三種。曰瘧。曰癘。曰驚風。

一曰瘧。瘧或作瘧。瘧字見素問厥論。馬元臺云。『按全元起本瘧作瘧。瘧音熾。傷寒論有剛瘧柔瘧。瘧音敬。風強病也。此瘧當以瘧爲是。後世互書者非。』瘧字有強急之意義。凡流行性腦脊髓膜炎破傷風等。皆有強急之證狀。是瘧不專指流行性腦脊髓膜炎可知。

靈樞熱病篇有風瘧證。云。『風瘧身反折。先取足太陽及腦中及血絡出血。中有寒。取三里。』身反折卽角弓反張。流行性腦脊髓膜炎有之。金匱要略瘧濕喝篇云。『病者身熱足寒。頸項強急惡寒。時頭熱面赤目赤。獨頭動搖卒口噤背反張者。瘧病也。』又云。『瘧爲病。胸滿口噤。臥不著席。脚攣急必斷齒。』此兩條皆有流行性腦脊髓膜炎在內。而獨頭動搖目赤。尤爲似之。巢氏病源風瘧候云。『風瘧者。口瘧不開。背強而直。爲發癘之狀。其重者耳中策策痛。卒然身體瘧直者死。』此條似流行性腦膜炎。然耳中策策痛。則又似化膿性腦膜炎。因化膿性者常先有耳炎也。醫學入門云。『瘧病載眼反折。瘧癘汗出如珠。或反張離席一掌許。小兒離席二指許者。皆死。』直指方云。『太陽風瘧之證。始則發熱。腹鳴喘息脈浮。次則牙緊頭搖。十指微搖。漸加項背強直。轉側不仁。甚者昏迷失音。目眩直視。滑泄不禁。身腰反張。如此則十不救一。』此兩條皆有流行性腦脊髓膜炎在內也。

瘧之範圍。後世亦漸有增擴。如萬病回春云。『若眼牽嘴扯。手搖足戰。伸縮者。是風痰瘧。若身冷手足冷脈沉細。名爲陰瘧。身熱喘咳生痰。脈洪數。名痰火瘧。』所謂風疾瘧。尙似流行性腦脊髓膜炎陰瘧則已不似。至痰火瘧殆爲肺炎之有

痙攣症狀者。然同名爲痙。則牽混之至矣。（葉派醫生稱肺炎之手足痙攣。爲動風。爲痙厥。）

二曰癩。癩之涵義有二。其指含有流行性腦脊髓膜炎之病者。如巢源云。『癩者小兒病也。十歲以上爲癩。十歲以下爲癩。其發之狀。或口眼相引。而目睛上搖。或手足掣縱。或脊背強直。或頸項反折。諸方說癩。名證不同。大體其發之源。皆因三種。三種者。風癩。驚癩。食癩是也。風癩者。因衣厚汗出而風入爲之。驚癩者。因驚怖大啼乃發。食癩者。因乳哺不節所成。然小兒氣血微弱。易爲傷動。因此三種。變作諸癩。正發手足掣縮。慎勿捉持之。捉則令曲突不隨也。』由是言之。則癩病含有流行性腦脊髓膜炎。風驚食乃其誘因。然風驚食三癩。疑有胃腸病及其他熱性病雜涵其間也。丹波元簡釋素問通評虛實論癩驚云。『此小兒病也。太素作驚癩。甲乙亦作驚癩。載小兒雜病中。王符潛夫論云。哺乳太多。則必掣癩而生癩病。巢源云。癩者小兒病也。十歲以上爲癩。十歲以下爲癩。徐嗣伯云。大人曰癩。小兒曰癩。又巢源千金小兒門。有三種癩。曰驚癩。食癩。風癩。可以證焉。癩是後世所謂驚風。聖惠方論之詳矣。』又醫賸云。『此癩卽宋以後所謂驚風也。始見聖惠。而大人之病。亦可稱癩。隋許智藏診秦孝王俊曰。疾已入心。卽當發癩。不可救也。見隋書本傳。時孝王已爲大人。又外臺大人方中。有癩門。可以見耳。』

別一種癩。與流行性腦脊髓膜炎無關。爲西醫神經系統病中官能疾患之一。拉丁名 morbus sacri 英名 Epilepsy。西醫譯作癩癩。其原因大致因遺傳過勞。恐怖。腸蟲。便秘。腺病。暴飲鉛中毒。房事過度。腦脊髓疾患。神經愈著。部癢痕之刺激而起。發作時令全身痙攣。卒倒。不省人事。噴沫。顏面發赤。瞳孔散大。發作後熟睡。往往面貌遲鈍。精神減退。痙攣之持續。

長亦不過五分鐘。發作中死亡甚少。此病中醫稱為六畜癩。千金方卷五云。『馬癩之爲病。張口搖頭馬鳴。欲反折。牛癩之爲病。目正直視。腹脹。羊癩之爲病。喜揚目吐舌。猪癩之爲病。喜吐沫。犬癩之爲病。手足拳攣。雞癩之爲病。搖頭反癩。』與癩字常相連屬之癩。亦有二種意義。其一爲含有流行性腦脊髓膜炎之疾患。如巢源之『十歲以上爲癩。十歲以下爲癩。』其一爲神經系統病之官能疾患。與六畜癩相同。如靈樞癩狂篇云。『筋癩疾者。身倦攣急。嘔多沃沫。脈癩疾者。暴仆。四肢之脈。皆脹而縱。嘔多沃沫。氣下泄。』難經云。『癩疾始發。意不樂。僵仆直視。』又巢源云。『風癩者。由氣血虛邪氣入於陰經故也。又人在母胎。其母率大驚。精氣并居。令人發癩。其發則仆地吐涎沫無所覺是也。』徐靈胎云。『此俗名羊癩風。』巢源云。『五癩者。一曰陽癩。發如死人遺尿。食頃乃解。二曰陰癩。初生小時臍瘡未愈。數洗浴。因此得之。三曰風癩。發時眼目相引。牽縱反強。羊鳴。食頃方解。四曰濕癩。眉頭痛。身重。生熱沫。頭濕結腦肺未止得之。五曰馬癩。發作時時反目。口噤手足相引。身體皆然。』除陰癩由臍瘡得之。似係破傷風。濕癩亦不甚似神經官能疾患。餘皆是五畜癩之類。民間有所謂瘋癩癩狂。西醫稱癩病之等價疾患。詳神經系統病扁中。

三曰驚風。始見聖惠方。錢乙小兒直訣。分爲急驚慢驚。錢氏云。『因聞大聲。或大驚而發搐。發過則如故。此無陰也。』又云。『小兒急驚者。本因熱生於心。身赤面赤。引飲口中。氣熱。大小便黃赤。劇則搐也。蓋熱甚則風生。風屬肝。此陽盛陰虛也。小兒熱痰客於心胃。因聞聲非常。則動而驚搐矣。若熱極。雖不因聞聲及驚。亦自發搐。』又述慢驚云。『因病後或吐瀉。脾胃虛損。遍身冷。口鼻氣出亦冷。手足時痠。昏睡露睛。此無陽也。』案急驚或有流行性腦脊髓膜炎在內。慢驚似

爲病後或胃腸病之虛脫症狀。(和田東郭云。『嬰兒抽搦。不必一定因風因痰。因食因熱。如久患瀉利。及大病後。抽搦更多。與附子理中湯。每每奏效甚捷。常醫有拘於驚風。不救甚多。』按和田所說。實即古人所謂慢驚。)古醫書上論急慢驚者不少。採掇數條。以資參證。

婁全善云。身熱力大者爲急驚。身冷力小者爲慢驚。(醫學綱目)

王肯堂云。急者屬陽。陽盛而陰虧。慢者屬陰。陰盛而陽虧。陽動而躁疾。陰靜而遲緩。實熱爲急驚。虛熱爲慢驚。急驚屬陽。用藥以寒。慢驚屬陰。用藥以溫。暴烈者爲急驚。沉重者爲慢驚。(幼科準繩)

沈金鰲云。急由陽盛。慢屬陰凝。急係實病。慢自虛成。(沈氏尊生書)

莊在田云。急驚與慢驚。全屬相反。急驚之症。小兒氣體壯實。前數日發燒。今日鼻中氣熱。大便結。小便燥。忽而驚風大作。喉中多有熱痰。用抱龍牛黃丸。下咽即醒。再用清熱消導之藥。一劑而安。慢驚總是病後氣血不足。虛極生風。非脾胃雙補。姜桂同進。如何能愈。(福幼篇)

陸九芝云。其所謂急驚者。病之熱。病之實也。宜用清法者也。即瀉也。其所謂慢驚風者。病之寒。病之虛。宜用溫法者也。即補也。

華岡青州云。角弓反張。無吐下者。急驚風也。搐搦上竄。兼吐下者。慢驚風也。急驚風則病明了。慢驚風則病間似睡。以是爲別。

痙癇驚風之要點。略如上述。乃進而解決其支節問題。

全匱要略云。『太陽病發熱無汗。反惡寒者。名曰剛痙。太陽病發熱汗出不惡寒者。名曰柔痙。』此兩條與流行性腦脊髓膜炎無關。然後人往往與他種痙病牽合。

巢源云。『病先身熱瘈瘲。驚啼喚。而後發痙脈浮者。爲陽痙。病先身冷。不驚瘈。不啼喚。乃成病。發時脈沉者。爲陰痙。』王肯堂云。『小兒急慢驚風。古謂陰陽痙也。急者屬陽。慢者屬陰。』

驚風所包函之疾病。不止一種。其一爲腦脊髓膜炎。略如前述。其一則小兒患急性熱病之初期。往往有抽搐。其病理相當於大人之寒戰。而肺炎熱度高時。亦有抽搐。兼以神昏。是即舊說熱深厥深之類。亦即溫熱家所謂痙厥。此等證狀。俗醫心目中以爲是驚風。以爲當用腦麯。而有識之醫家。皆劇不謂然。如朱丹溪云。『老醫常言小兒驚搐。多是熱證。若先使用驚風藥。若白附子全蠍僵蠶川烏之類。便成壞證。』王肯堂云。『又有搐搦反張斜視。而牙關不緊。口無痰涎。而氣熱。未可直指爲驚風。恐是傷風傷寒夾食夾驚疹痘等。此即錢氏假搐之說。各依本證施治。』張雲岐云。『小兒表傷寒則皮膚閉而爲熱。感即生風。欲爲驚搐。血氣未實。不勝邪。故發搐也。大小便依度。口中氣熱。當發之。』喻嘉言論驚風。謂小兒易於外感。易於發熱。傷寒爲獨多。世稱爲驚風者。即是也。其意同此。』戴北山云。『小兒受溫邪。悉與大人同。而時見驚搐。類於驚風。誤治多死。用大人治邪當汗。當清諸法。減小其劑以治之。則愈。』

其一則鄉愚無知。見小兒疾病稍有異狀。即稱之爲驚。陳飛霞云。『虛證肆行攻伐。乃致脾胃絕。四肢羸曳。奄奄待盡。猶

復稱撒手驚。至於陰寒腹痛。面青口撮。口吐白沫。曰鯽魚驚。脾虛生熱。舌絡緊急。不時舔舌。曰蛇絲驚。蛔蟲貫膈。大叫一聲。即昏悶不省。曰烏雅驚。兒病作熱。本爲常候。曰潮熱驚。食飲停滯。胸腹飽悶。曰膨脹驚。更有諸多不通名目。莫能枚舉。此等怪誕病名。皆無存在之可能。考千金方云。『神農本草經說小兒驚癇有一百二十種。其證候微異於常。便是癇疾。』是古書亦有膚泛立名之先例。則亦無怪民間之妄說矣。（未完）

診病奇候（六）

雨蒼譯

心腹痛

○大抵醫之所以得卽效者。厥爲腹痛與嘔。夫心得有六條。積痛。食痛。虻痛。瘀血痛。腸離痛是也。凡此六症之中。未得確斷爲某病。易於誤治而致死者。蓋爲食痛與腸離。予以多年自然之功。一見病人則可遽辨黑白菽麥。今爰述其大概。○食痛者。心下按之凹。力按之心下將着背。此爲食積痛之極。此證以備急圓快取吐下。不然亦須香平之品。○積痛者如宿食狀。心下不凹而但脹。不得按者積氣也。劇者其痛徹背。因之而心下稍柔。○虻痛者按之稍止。手下若有蠕動。○瘀血痛者多在臍脅。少腹等處。按之有塊應手。痛如散漫狀。然積痛亦有此狀。特其處是爲水飲所聚。○腸離痛者。此病十九在右。按之左右必有異狀。以手按其上。痛比他較敏。必右足攣急。小便淋瀝。似疝或虻。醫誤爲疝。虻治之不愈者多是此病。以大黃牡丹皮湯或桃仁承氣下之。痛可卽止。小兒亦多此症。不可不細心。（東郭○台州曰腸離在臍旁。離古亦有之）

○又曰又有小腹脹者

○左右不容。承滿部位患滿痛。按之彌疼。或引於胸腹中。奔響漉漉有聲。時吐水汁。吐則痛減。是為澼囊。宜溫藥。宜減飲食。(台洲)

○古傳曰。縱腹時。適塊積上攻。不吐不瀉。呼吸將欲絕。三部脈既結代或絕。手足厥冷者。其因有三。一為宿來之積塊。一為食物之留滯。一為疝氣也。凡此三者殊難辨別。然為醫者亦不可不明辨之。若按之根氣自丹田氣海上衝上脘鳩尾。時昇時降者。為多年之積塊。若夫食滯則多不升降。但塞滿而氣甚動。痛必在天樞。以食積為痛者喜按。按之痛可稍塊積則拒按。每以手輕按之則痛劇欲絕。蓋拒按為實。喜按為虛。有痛在章門或一原門之區。或左或右者為積。痛引股際上至氣衝者。多為疝氣之積。強按之痛引臍下小腹而漫散者是皆疝氣之痛可知。(南溟)

○古傳曰。腹痛不治之症者。如中脘之所。或中脘左右之痛。則甚難治。夫腹痛雖悉同。特痛在中脘左右。即屬不治之症。氣衝之痛。亦中脘之間。其腹形表雖柔軟。按之竟如推板而堅痛者。為陽虛陰實之腹。死。(南溟)

○夫玉痛之腹云者。亦痛在上中脘之間。臍與水分按之無力。鳩尾與上脘亦然。上脘之左右亦無力。即其中凝痛者是為玉痛也。(南溟。玉痛當考)

△(引松井本)腹痛自心下至橫骨。腹底如伏板牽引。而兩脅上下相離柔弱者。不出十二時死。若中行有和氣者可治。(萩原)

△（引松井本）澀囊吐水久腹痛。有可在左在右者。左者易治。右者難治。就胃之形狀考之。水溜於右者。不便驅除。畜積。而發痛遂吐逆也。（台州）

○腸癰以腹候可決者也。以臍下少腹邊有塊。其痛也。殆指不可近。皮膚甲錯而不潤。腹劇痛而雷鳴如貯水瓶中然。或如以杓汲水之音者。是膿已成也。夫以指按之痛者。有宿積有膿腫之不同。且疼痛之狀與部位亦有異。如半產。產後食傷之痛。均不可輕視。若夫已下膿血。始知為腸癰者。是非良工。（南陽）

○（森立夫引中虛）腹痛者係榮衛之道。因寒或熱或暑濕飲食停滯閉塞故也。其疼引左右。其疼處有動氣。動氣數脈靜者為虛證。應以地黃丸之類。若動氣雖靜脈數則為實證。為病在血分。

△（引松井本）心痛者胸痺也。輕者其痛在肌肉間。多在左。而連右。乍痛乍止。其痛連膈中者為重。攀急者不為害。如錐刺者真心痛也。所謂旦發夕死也。先宜飲麻油一合。以分隔其真氣與邪氣。夫胸痺之痛淺。其痛深者為懸飲。若中府雲門痛者。肺痛也。非懸飲多死。不可下。肺痛多在左。肺癰亦然。（台州）

腹滿

△（引松井本）鼓脹此之水腫。更為酷疾。凡腹象按之棉弱者。諸病通為惡候。若按之陷而軟者為虛脹。多不治。其病最酷。腹滿脹大。皮膚之色如有羹之肥膨而光澤者。萬無一生。公豐按傷寒疫疾見此證者亦為難治（陽山）

○鼓脹有虛實之別。夫虛脹之候。為脹而弱。臍部按之軟柔也。實脹則臍上推之不動。腹脹而堅硬。按之不柔也。（南溟）

○欲知脹滿之邪之所在。由上按之不可得。但其跡炯炯如有光澤者。此邪氣溜滯之處也。如按水腫腹。手下冷者是也。此亦邪所滯之處。故虛脹者按之臍陷。脹處亦柔也。故凡按脹滿之腹者。推之漉漉然。舉之蛙蛙鳴者。內空虛故也。若不鳴則爲內氣虛脫。凡此概爲難愈。或屬不治之症。以此可分別。有臍氣先脫。腹氣揚散者。是元氣之脫故也。若肺先脾募脫。亦屬早死之象。以上下之氣分離。邪氣滯故也。亦爲不治之症。又有肺先脾募雖不拔。但爲鼓脹亦爲難治。故所爲死證者。必臍凸而拔。肺先脾募均脹。是皆屬不治。(同上)宜互參衆疾中脹條

○要之患腹脹者。腹底概有塊。非無塊而但脹滿。然輕脹則不在此例。有忽然急脹者。多無塊狀。此於候腹時詳診之自可得。(東郭)

○腹滿用附子時。須皮膚厚而不潤。如有脹狀庶可。(東郭)

婦人妊娠

○男屬陽。以陽爲體。故腹亦自然較強。雖有氣質柔弱。亦比壯實之女較強。女屬陰。以陰爲體。故反於男性。其狀爲和緩柔弱。若夫多產之婦。則難以腹診之例云。然其間自有虛實可辨。然凡婦人之腹。亦有陰陽二象。陽腹者氣有餘血不足。是婦人之常象。故多孕。雖或中年以後多病。亦能孕。陰腹者是血有餘氣不足。爲婦人之變象。故雖壯歲雖無病亦不孕。(對時)

○婦人天癸初至時。淫心甚。慾事不遂。則勞心傷腎。爲水火不交之痞。若漸積成痞塊者。後夫婦成交。亦非不能孕。子欲

候之以何法。曰大凡欲診婦人之腹。須由鳩尾下手。而上腕中腕循按之。若右章門下有積氣動搖者。或腰常冷者。是不得子之證。自先師以至於吾。以此爲候。百無一失。（南溟）

○女子十四許。有虛里之動波及乳上者。若經水來。卽低。（台州）

△（引松井本）女子虛里動高者。臍旁有動。與之相應。是天稟薄弱也。節飲食則無大害。（台州）

○血塊在中行者爲在胞內。經水或來或斷宜導而治故經曰月則疊積。在傍（一本非臍）者爲在胞外。挑之則動。或痛宜破之。不動不痛者。慎不可攻之。在胞外者經水不斷內經謂之腸覃（同上）

○帶下之病。小腹如囊。感蛇者不治。（無名氏）

○婦人腹形。由上腹循按至臍。有屹然別成一段者。是爲產後下血過多。或崩漏帶下。係爲脫血之人。不可不知。有動氣亢盛者。此爲血虛之候。（饗庭）

○腹內有按之腹底如散雹累累然。腹皮皺。推之聚成一處者。非小產則墮胎之後。或產後病。此三者必有一證。不可不知之。（白竹）

○古傳曰。凡經水滯留之婦人。多疑爲妊娠。醫者不可不明辨之。候之於脉。凡尺澤脉動甚。或太衝脉動者。皆爲妊娠。若候之於腹。則凡丹田氣海之地。有動氣。常欲上衝於上腕者。是非妊娠。蓋血塊也。唯推按之如沉於手下然。是非血塊。蓋卽妊娠也。又有未會有動氣。以手暫按之。手下潤稍汗出者。亦爲妊娠。乾而無汗。則爲血塊。此唯一之祕法。先師以

來得效者。百無一失。請後輩須試之。(南溟)

○或曰懷胎之腹形。宿在臍下丹田氣海之邊。然積聚或血塊之所停滯者亦有之。殊為難決。夫以手平按臍下。推之隨手可移。舉之自能歸還者。非瘀血則積聚。候之之法。須於早晨氣血未動。飲食未進前。取其空腹。有雞卵形隱然於臍下而高起。以手掩之。如握真綿者。必為懷胎。若夫瘀血積聚。雖按之。決非如懷胎之隱揚自若。又一法。將其高起處推之。胎者不痛。覺痛是瘀血聚聚之類。(同上)〇陽山 稍同久野同

○(森立夫引中虛)欲分懷妊與枯血者。須平日按臍下。懷妊者隱揚高起有動。血聚則雖高起亦無動氣。他如痞塊。早晨亦皆上浮。

○又曰死胎之腹。臍下寒。以其胎死則陽氣脫故寒。否則原有陽氣故溫。(南溟)

△(引松井本)妊娠者懸橫骨不痛。瘀血則懸於橫骨必痛。(楓亭)

△(引松井本)經斷四五月。如胎而不動者。非妊娠也。或有肝疾筋攣如胎動者。宜(熟察不誤也 菽原)

○凡診妊娠受胎。百日以內為佳。前難別 百日以內亦宜於平旦空心診。平旦小腹脹而胎見是 以為宜忍小便亦如此胎之所居在中極。臍下 四寸部位間有偏右

者。胎大如鷄卵。軟而滿有光澤。按之則手下滋潤。不痛不移。正是灼然妊娠也。按之皮膚乾燥。如有稜角。或有 圓者又按之則痛。或轉移。如此則為瘀塊。痛為瘀不痛為妊 最是捷徑辦法其所位必在右邊。其在任脈或左者。殊十中之一耳。不可不知。(台州)

△(引松井本)或肚腹脹攣引脅腰而痛。公豐按肝經脾經 具拘攣者是也或得按痛。或動甚。為血塊之候。若在育孕之時。欲知其變。臍

中無神形肉脫脉細數。或兼瀆諸虛憊者。調護失宜。則胎自墮。厥身亦斃。(陽山)
驗胎之說。賀川氏產論及翼甚詳。茲不繁引。(譯者按。即賀川子玄子產論及產論翼二書。前者論護胎正產育兒。後者專論難產。)(未完)

治驗

醫案(續)

袁希濂律師 八月廿七日

每日但熱不寒。而汗出多。似瘧。頗覺少力。脈亦弱。不似平常洪大。惟舌紅甚。中有黃苔。則熱也。

柴胡二錢 淡 芩二錢 生首烏四錢 紅棗五枚

檳榔錢半 山 梔三錢 太子參二錢

川連五分 生常山二錢 炙 草二錢

中醫新生命 第二十四號 治驗

陸淵雷

中醫新生命 第二十四號 治驗

四二

復診 八月廿九日

服藥兩劑。瘡遂不發。今苦大便不通。窘急。如廁但失氣。又汗多。因不耐風。小便暢而紅赤。脈舌却不甚熱。食不香。當理其胃。

川軍錢半 生耆五錢 穀芽三錢 紅棗四枚

玄明粉三錢冲 浮小麥四錢 全瓜蒌三錢切

炙草一錢 陳皮二錢 生常山二錢

服此方後。腑氣通。遂愈。袁先生歷宰大邑。清廉慈惠。今以律師業自給。信佛法甚篤。舊同學林君徵五。數道其治丹陽時政績。亦足見遺愛之在民也。誦穆謹識

桑君 八月廿四日

拔牙之後。舌短口噤。飲食艱難。脈弦舌膩。此恐是破傷風。有絕大危險。

荆芥穗三錢 蟬蛻一錢 查炭三錢 升麻八分

炙全蠍錢半 菊花三錢 當歸二錢 生草一錢

炙僵蠶三錢 銀花三錢 生地五錢

再診 牙齦稍活落。能咀嚼。迄今不發熱。是好象。脈弦已去。但遲。舌滿薄白。雖無他證。夏日亦當兼強心。

荆芥穗三錢 生地六錢 菊花三錢 黑附塊二錢

炙全蠍二錢 當歸三錢 升麻八分

炙殭蠶三錢 牙皂五分 生草一錢

全夫人 九月十日

向苦頭痛。遇風則發。又苦胸滿。食不化。舌質薄而色淡。脈亦細弱。仍是寒濕。近日睡眠不足。因常心悸。

茅白朮各二錢炒 乾薑一錢 煨牡蠣八錢打 白芷一錢

厚朴錢半 黑附塊二錢 采云曲三錢包 川芎一錢

陳皮二錢 雲苓神各三錢 硃拌 炙草一錢

病者貌豐盛而質虧。忌表藥。或表藥在所必用。亦須以薑附等調劑之。否則困憊不堪。亦異事也。參閱本期答問欄答某君問。編者

應先生 九月五日

常眩暈。服苓朮劑則差。又時時脚腫。用利水及雞鳴散。皆不應。脈滑帶勁。心跳。純濁音達左乳線。疑是心藏瓣膜病。

雲苓五錢 冬朮二錢 煨牡蠣一兩打先煎 黑附塊三錢

桂枝錢半 炙草一錢 真鉞砂五錢先煎 萹根三錢

中醫新生命 第二十四號 治驗

四四

復診 作心藏瓣膜病治。服藥三劑。寒已食增。而脚腫不除。晨起退。退則腹重。起則脚腫。腫則腹輕。似水隨體位流動所致。又小便甚少。大便初頭甚硬。脈則較前緩軟甚多。

雲苓五錢 桂枝二錢後下 真鉞砂三錢先煎 黑附塊二錢

澤瀉四錢 玄明粉三錢沖 生白朮三錢

防己三錢 煨牡蠣八錢 炙甘草一錢

應君服務於華成煙草公司。病情極錯雜。年必一發。去夏經多醫不愈。惟服淵師藥頗效。故今年仍就淵師診治也。編者。

楊女士 九月二日

下利腹中雷鳴。卻不痛。人甚困頓。有時且汗出粘冷。脈尚有滑意。舌微黃而溼重。

川連五錢 姜夏三錢 苡仁五錢

淡芩二錢 太子參二錢 炙草一錢

乾薑八分 赤苓四錢 藿香正氣丸三錢 鮮荷葉一角刺孔包煎

復診 九月三日

下利一藥遂止。今日得乾便。惟腹中仍時有雷鳴。腰重脚痠。晨起胸微滿。口渴。有時吐沫。脈已細。舌苔平。但調胃便得。

生白朮二錢 淡芩二錢 太子參三錢 炒穀麥芽各四錢

厚朴一錢 生草一錢 生山藥四錢 打碎勿炒

陳皮二錢 雲苓四錢 原欵斛三錢

秋間瘧疾及胃腸病。淵師治愈甚多。不及備錄。 編者（未完）

課卷

習題第十二號

中醫對於急性熱病。分爲傷寒溫熱二大類。其理由充足否。試於病原證候病理治法上。論其得失。 謝良毅

傷寒與溫病。爲近世醫家爭論之一大公案。溫病爲古代傷寒類中之一。其名見傷寒論及內難脈經。名與傷寒異。而證候治法則同。良以吾國醫學。向均趨重於證候治療。病名及病原體則不甚考究。故病名則多爲抽象臆想之名詞。此類病名。大抵爲治療上之一識別記號。病程進退。則設爲陰陽六經。作治療步驟。此過去環境中不得已之假設。其合法與

否。應從科學上解決。已無爭論之必要。傷寒。出漢末仲景傷寒論。其名殆係以前民間對於急性熱病之統稱。傷寒論一書。為吾國歷來治醫圭臬。方藥簡穩精當。為識字不多之醫家所不喜。清代有所謂蘇派者。高談溫熱。藥主平淡。寡過。遂成爲傷寒與溫熱二大派。

傷寒爲多數急性熱病之普通名稱。曾讀仲景書者。殆已了無疑義。故傷寒一書所治。由藥證上推測。當不僅限於腸熱病一例。其中尙包括有近世鑑定之流行性感冒。斑疹傷寒。回歸熱。瘧疾。肺炎。卡他性腸炎。與霍亂及其他熱病併發症等。賅義之廣。幾及急性熱病之半。列方百一十三。分涌吐。發汗。利尿。瀉下。清補諸法。從證施治。統醫學之大綱。

溫病之名。雖起於古代。惟其學說之蔓延。實始於清之葉桂。吳瑭輩。其理論引用內經。「冬不藏精春必病溫」一說。以仲景傷寒論標舉溫病風溫二條。謂傷寒論但治傷寒。不治溫熱。傷寒屬寒宜溫散。溫病屬熱宜涼散。且傷寒傳經。由外達裏。溫病則由上而下。性質趨勢。根本不同。藥用治法。不能與傷寒一例。主張是說者。除葉吳而外。尙有唐容川。陳平伯。張子培輩。著有溫熱論。溫病條辨。溫熱贅言。春溫三字訣等書行世。藥尙輕清平淡之品。謂可寡過。深中庸夫心理。故頗流毒甚廣。然其中論治。仍多採用仲景之方。張子培春溫三字訣。則逕用麻杏石甘湯。且爲之說曰。「吳氏祖薛葉二家。用銀翹桑菊飲。可謂此症暗室明燈。然予以爲不如仲景麻杏石甘一方。爲如神也。故予每用銀翹桑菊二方。皆加生麻絨七八分。或一二錢。功效倍於本方百倍。」此說不啻爲溫病學說劃上一大罅裂。其不能一致如此。溫熱派喜引內難經以自固。而不知所難經謂溫病。實亦傷寒之一。按難經之言曰。「傷寒有五。有寒傷。有傷風。有風溫。

有熱病。有溼溫。此五病者。既屬於傷寒。則仲景傷寒論一書。除正傷寒外。其他宜無不治。以仲景之聖。傷寒雜病。無不擅長。豈有獨遺溫病之理。此溫熱家。不能自圓其說者也。

風溫條例舉證十一。今約得其九。仍不脫傷寒圈套。一曰脈浮數。發熱惡風。或自汗。或無汗。必咳嗽口渴。二曰身灼熱。咳嗽乾嘔。煩渴譫語。三曰身熱咳嗽。口渴下痢。舌苔黃而譫語。四曰脈數。自汗脣腫。發白瘡。五曰或大熱大渴。舌絳齒燥。甚則神昏譫語。下痢黃水。六曰或身熱自汗。面赤神迷。身重而語澁。七曰或手足掣縱。狀若瘧癩。八曰或頭目脹大。面發泡瘡。九曰始得脈伏。見身熱口渴。目赤咽痛。手足厥冷。由此知所謂春溫者。其大部乃屬於急性肺炎。或丹毒。或流行性腦脊髓膜炎一類之病證。肺炎等亦見於傷寒論中。溫熱家似未嘗一讀仲景書。故茫無所見耶。總之。溫病與傷寒。實則一而二。二而一。其理彰甚。溫熱家必欲劃而分之。以圖自成一派。適足以自形其陋耳。

溫病以肺炎腸熱病為主體。兩者皆在傷寒論中。而經方奏效之迅捷。非溫熱家清水大豆卷炒香豉所可同日而語。作者心識此意。所說乃鑿然中理。 誦穆附識

二十五期起。刊載陸淵雷先生演講錄

醫學平論溫病論衡業已出版。平論有陸淵雷先生序文及案語。溫病論衡附錄之溼溫論治。醫案門。有章次公先生記夏玉峯先生女公子溼溫案。始末完具。益人神智。兩書售價。同二十二期預告。仍由國醫印書館發行。此次出書略遲。與該館無關。 知行醫學研究社啓

中醫新生命 第二十四號 課卷

答問

某君問

淵雷先生賜鑒。別久甚念。惟起居佳勝爲祝。茲有詢者。堂姊年四十一歲。體質素健。平時卽傷風效嗽亦稀。不意自今春三月起。大便中忽常下血。初時不注意。後則愈下愈多。同時腹中有塊。一塊頗大。有時在臍上。有時在臍下。偏於右方。面無血色。舌苔灰膩。脈有歇止。月經未停。惟略淡及少而已。腿部稍浮腫。一惟有熱與否則不知。大約卽有熱亦甚輕微。因病者不自知也。先經西醫診視。謂是腸出血。後送泰縣福音醫院。謂是子宮瘤。一未照X光鏡。一又經某醫師診視。稍一按腹。卽謂是卵巢惡瘤。一弟頗疑此說不確。一者未經精密檢查。二如果是惡瘤。何能移動。一勸其赴上海割治。堂姊聞須割治。大懼。因就中醫診治。一當未服中藥時。中有兩三日下鮮血甚多。某晚忽人事皆沉。冷汗甚多。四肢發冷。後幸而轉機。一中醫謂是癥。用藥爲當歸桃仁三稜莪朮青皮之類。無效。因請一弟爲之診治。其時忽發熱。熱度三十七度五分。微效。一據病者自云係感冒。一弟思大便下血爲腸出血固然。然非腸之本身疾患。如係腸之本身患病。則以如此

長期出血。豈有不穿孔之理。(至少亦應腹痛)今不如此。則可斷其血爲癥之影響。其面無血色。係因大量出血之故。脈有歇止。有大危險。尋思再三。決先止血補血而後攻其癥。認爲非人參不救。乃以吉林參爲主。(每次五六分)加當歸、芍藥、生地、丹皮、茯苓、炙甘草、焦白朮等。(因其有微熱。效嗽。於第一次方中加炒荆芥一錢五分、蟬衣六分。服後熱退。降至三十七度。第二日去荆芥、蟬衣。熱三十六度九分。)連服數日。效果佳良。血既不下。精神亦好。脈象亦稍有力。後弟於原方中加麥冬三錢。不料此劑服後。夜間效嗽甚烈。腹中覺不安。泄瀉一二次。第二日晨以試熱針試之。則三十七度六分。熱又上昇矣。心大悔之。因於原方去麥冬。加辛開兼微表之藥。如荆芥、姜半夏、桔梗之類。服後效略減。而熱終不退。因謝不敏。但病人信仰甚堅。要求開一丸方。因開桂枝、茯苓丸。合當歸芍藥散意。此後即來滬。其結果至今尙未知也。

今弟敘事既畢。有數點請 賜教者。卽

(1) 此證之腸出血。是否爲癥之影響。有無其他原因。

(2) 此證之發熱。原因何在。若謂其感冒。則並無頭痛形寒等證。又效嗽是否因熱引起支氣管炎所致。在此證中。想不重要。是否。

(3) 此證後之復發熱。是否與麥冬有關。

(4) 此證之脈有歇止。其理由亦請示知。

(5) 乞示此證之治療方針。(如能附藥方尤妙)

右問即請撥冗 示知。不勝感幸。弟 暇中當擬趨前訪候。餘不贅。即請
刻安

弟 某某拜啓 九月十七日夜

答某君

某某先生無恙。承示一病。其血是否出於大便。得無出自前陰。而病人誤認否。子宮及卵巢之瘤。若病人昔感今瘦。則腸系膜之脂肪消耗。腹內臟器常隨體位（直立坐臥）以轉變。塊物即有移動之可能。總之瘤在生殖器。（經西醫觸診。大抵不致十分錯誤。）而血出於腸。殊可疑也。所詢五端。鄙見如下。

（1）上已說明。或者別有動脈瘤穿孔於腸。

（2）發熱當是陰虛之神經熱。宜甘溫補血之劑。咳嗽常為他種較大疾病之併發病。苟炎症不侵小氣管。誠如尊函所論。不重要也。

（3）一味麥冬。殊無引起發熱之理。但人之體質。有特不宜某味藥者。在知識階級服藥多者。常能自訴。試之良然。其理有未可曉者。今久久熱不退。乃如上述為陰虛耳。

（4）脈歇止大有出入。有由於體質者。每呼吸深淺不勻。則生歇止。此最不足慮。其他屢見者。為心臟衰弱及血少。此證殆由血少。即復脈湯之脈結促數。

(5) 今服桂苓歸芍合劑。頗中理。無須更張。倘再見大出血。而真出於大便。不妨姑止丸。用大劑黃土湯加地榆炭炒槐米等味止之。專復並頌。

教安。

弟
陸制淵雷頓。九月廿日。

王壯公問

河圖洛書。本與醫學無關。但舊醫書每每引之。何也。

誦穆答

宋儒理學。以太極河圖洛書等為根本。醫人受其影響。遂亦高談運氣等不根之說。同氣相孚。故每每引之也。



陳達三君來書

淵雷師。生第一期功課。業已將次結束。計在本期中所得利益甚多。其最顯著者。如1. 讀完向所難讀之傷寒論。並認識經方之價值及用法。2. 獲得中西溝通之生理知識。為一般中醫界所絕難知曉者。3. 知道細菌學在中醫之應用。並辟

去一般頑固中醫所固守之氣運六淫成見。4. 獲得正確而完備之藥物知識。此外讀師之講義論文後。對於做人態度。治學方法。醫學見解。無形中受感化不少。凡此種種。皆莫不由吾師之學問淵博。教授得法。及誨人不倦之精神。有以致之。故生除極力研習之餘。不能不對吾師表無限之謝意。(下略) 陳達三謹上

祝人甦君來書

日前得讀傷寒今釋。其中將原文錯誤考正。並全以生理病理詮釋之。又將五行六氣之說用科學證明以解析之。聖言至理。闡發實多。玩誦之餘。愛不釋手。嗜醫如甦。讀之誠不覺手舞足蹈矣。後學 祝人甦謹上

醫學新聞

本刊

衛生署公布

中醫審查規則

審查發證委託各省市自行辦理

內政部衛生署近以中醫審查規則。業奉行政院令正式公布。今後中醫審查及發給證書事項。即將由衛生署授權各省市政府辦理。已咨各省市政府照辦。茲錄該項規則如左。

中醫審查規則（第一條）本規則依中醫條例第一條第二項之規定制定之。（第二條）中醫條例第一條第一款所稱考試或甄別。凡考試甄別檢定審查等。具有測驗學識經驗意義之事項皆屬之。（第三條）中醫條例第一條第三款所稱中醫學校。指經教育部備案或各地方教育主管機關立案者。（第四條）中醫條例第一條第四款所稱五年以上。應有執業地主管官署之證明。（第五條）依照中醫條例第一條第一項之規定。請領中醫證書者。應備具左列文件費款。呈送執業所在地。或原籍所在地市縣政府核轉省政府。或省衛生行政機關轉送衛生署審查。（一）履歷書三份。（二）本人最近正面脫帽半身相片四張。（三）資歷證明文件。（四）證書費五元。（五）印花稅費二元。前項執業所在地。或原籍所在地。為直隸行政院之市時。應逕呈市政府或市衛生行政機關核轉。（第六條）審查資格。應就請求給證人提出之資歷證明文件行之。但認為必要時。得通知請求給證人提出補充證據。或逕行調查或予以考詢。前項考詢得就左列科目範圍。參酌請求給證人所習科目。選派專門人員。以口頭或書面行之。（一）內難概要。（二）本草概要。（三）古方概要。（四）傷寒概要。（五）溫病概要。（六）疫症概要。（七）婦科概要。（八）兒科概要。（九）眼科概要。（十）喉科概要。（十一）外科概要。（十二）傷科概要。（第七條）中醫證書尺度格式。如附圖規定。（第八條）本規則自公布日施行。（附錄）（一）中醫審查規則第五條第六條所規定之審查給證事項。遵照中央政治委員會第十次會議決議第一項。暫由中央主管機關授權地方政府辦理。（二）地方政府指省政府。市政府或管理公署。其在已設有衛生行政主管機關之省市。則為其所屬之衛生行政機關。（三）地方政府收到

請領中醫證書文件後。應即依照中醫審查規則第六條之規定辦理。(四)經審查合格之中醫。由地方政府發給中醫證書。(五)中醫證書由地方政府照定式印製使用。證書署名。為省政府主席市長或管理專員。並由該管衛生行政主管長官副署。(六)凡發給證書之中醫姓名人數。由地方政府按月列表彙報衛生署查考。(本規則引用之中醫條例。見新生命十七號。)

陸淵雷為珍本醫書集成聲明

坊間所印珍本醫書集成。裘君吉生介由沈君仲圭索鄙人文序。已載本刊第十九期。頃見該書中所印者。已為俗賈刪改。大非鄙人原稿。特此鄭重聲明。對該書中序文。不負完全責任。詳情容俟次期公布。又該書頗有誤字。坊間營業之書。校對固不能甚精。至該書所斷句讀。如第一種之素問校義。因是考據文字。坊賈讀不斷。致成絕大笑話。未見書樣而貿然作序。鄙人誤悔之矣。

附神麩三稜乾薑枳實。

若無傷食之誘因。但因平日腸胃衰弱而受病者。是爲虛證。則局方四君子湯最通用。人參甘草茯苓白朮。此方加半夏陳皮。名六君子湯。服四君子嫌飽悶者。用六君子可也。若腸胃虛而兼寒者。以舌薄白。或腹冷痛。或脈遲細爲候。用溫補方。補如四君。溫腸胃則乾薑爲主。虛寒及於全身者。亦用附子。略舉數方爲例。

東垣白朮調中湯。治中寒痞悶急痛。寒濕相搏。吐瀉腹痛。白朮茯苓陳皮澤瀉乾薑肉桂縮砂仁藿香甘草。

經驗調中散。治飲食過度。胸膈不利。嘔吐吞酸肚疼。人參茯苓白朮藿香砂仁甘草丁香木香乾薑香附生薑紅棗。若用仲景古方。則消積之藥。不若時方完備。不過調胃承氣小承氣大承氣之類。以鄙人之經驗。江浙人口飲膏粱。胃腸薄弱。多不堪攻下。若食積不甚。胃腸本身之炎症甚者。古方又優於時方。舉例如下。

瀉心湯。黃連黃芩人參乾薑半夏甘草紅棗。若重用半夏。名半夏瀉心湯。治嘔多於利。重用甘草。卽名甘草瀉心湯。治利多於嘔。又加生薑。名生薑瀉心湯。治嘔而雷鳴。

嘔而腹痛者。宜黃連湯。卽瀉心湯中去黃芩。加桂枝。

他證不甚。獨嘔甚者。宜小半夏湯。半夏生薑二味。或加茯苓。此處可用生半夏。

他證不甚。獨下利甚者。宜黃芩湯。黃芩芍藥甘草紅棗。

若發熱而下利者。宜葛根黃芩黃連湯。卽葛根連與甘草。共四味。

虛寒者宜人參湯。人參乾薑白朮甘草。虛寒而有表熱者。宜桂枝人參湯。即前方加桂枝後下。以上所舉方。皆流行感冒三型之通常治法。若有變壞。或夾宿病。證候錯雜者。不能預擬方劑也。

風溫 肺炎 支氣管炎（續本刊廿一期）

中醫不談氣管。凡氣管之病。皆以爲肺臟病。西醫從解剖學。故肺與氣管分別甚嚴。屠肆中所懸豬肺。其實體之大部分爲氣管。惟小部分爲肺。吾人從目之所見。呼爲「氣管」者。乃是露於肺葉外面之總氣管。此管於肺葉遮掩之處。分爲左右二大枝。二大枝復各分若干枝。如是遞分。愈分愈多而愈小。其極小不復分者。爲「毛細支氣管」。每箇毛細支氣管之末端。接連一箇肺泡。其狀恰如半箇啞鈴。無數肺泡互相平疊。外被薄膜。乃爲目見之肺體。解剖學上。從總氣管以至毛細支氣管。皆稱氣管。惟肺泡稱肺。如欲剔盡氣管而取純粹之肺。則必致稀糊歹爛。不成肺形。蓋肺之所以成此形狀。乃全賴氣管之撐持也。中藥之「肺露」。用豬肺一具。和他藥。蒸溜以取露。法須剔盡氣管。豈知事實上氣管剔不能盡。而肺露所治之病。多數正是氣管病。若真正剔盡。反失臟器療法之本意。中醫藥中言論與事實相反者。更僕難數。此亦其一端也。

病理解剖學之規定。凡充血淤腫灼熱疼痛與官能障礙者。無論在軀幹四肢。在腹內臟器。皆稱「炎症」。各以炎症所在之部位。而定其病名。故有喉炎支氣管炎毛細支氣管炎肺炎之區別。事實上。毛細支氣管發炎者。肺泡必連帶發炎。

肺泡發炎者。毛細支氣管亦必連帶發炎。爲其體小而鄰接故也。西醫從其炎症之發源地。或從其炎症較重之地。而分別爲肺炎或毛細支氣管炎。若發源地難斷定。或氣管肺泡之炎勢相若。則稱爲支氣管性肺炎。——亦稱小葉肺炎——無論爲肺炎支氣管炎。其外證必效嗽。若急性者。又必發熱口渴。肺炎又往往發腦證狀。神昏癱瘓。由是觀之。非陳氏之風溫而何。大葉肺炎。枝氣管性肺炎。及急性支氣管炎之作風溫證狀者。其原因最多爲「肺炎球菌」。次之則「肺炎桿菌」。——化膿性球菌。——而傷寒桿菌。白喉桿菌。流行感冒桿菌。亦皆能致肺炎。檢病人之痰。其菌往往有多種混合。其誘因。則爲露體受寒。或氣管先自以他種原因而發炎。或多吸入刺激性之氣體。或患他種急性熱病後。體力衰弱。蓋健康人之喉頭口腔。往往有肺炎球菌存在。極難清除。一旦抵抗力弱。即乘機發病。若臨時傳染而發病者。其潛伏期大抵甚短。此等原因誘因。皆經科學家多次之實驗統計。而後知之。其爲真確。無可致疑。舊醫書言溫病之原因。有伏氣新感兩說。「冬令觸冒寒邪。寒毒藏於肌膚。至春發爲溫病。」此爲伏氣說。「冬不藏精。至春感春風之溫而發病。」此爲新感說。今按冒寒爲肺炎之誘因。其人本有肺炎菌者。因冒寒而引發。冒寒與發病之間。曾不旋踵。豈有藏於肌膚。至春始發之理。若附會寒毒爲肺炎球菌。則此病之潛伏期甚暫。亦無自冬徂春之理。伏氣之說。顯然無根。又若謂此病由感春風之溫氣而發。無如肺炎發於冬季者實居多數。其在春月。亦在寒冷之時。陳氏亦言風溫春月與冬季最多。可知實非溫氣所致。則新感之說。亦尙未是。鄙人於中醫。但取其治法。不取其原因議論。正爲此也。今略說肺炎支氣管性肺炎。及急性支氣管炎之證候。從證候上判斷險夷。及用藥治療。乃中醫之所有事也。

肺炎初發時。或有一二日之傷風狀態。大多數忽然惡寒戰慄。除瘧疾外。寒戰無有如此之烈者。在小兒則同時發瘧。或嘔吐。歷數小時。體溫即昇至三十九乃至四十度。——華氏表百零二至百零四五度——病人壯健者。熱度大抵高於老弱。故熱高未必是危篤之徵。此時發炎一側之胸部即覺刺痛。欬嗽或深呼吸時痛尤劇。病人欲緩和其痛。輒側身蜷臥。使痛處在下部。因蜷曲而寬鬆。痛為炎症侵及肋膜之徵。倘炎處深藏肺內。或在肺尖。——肩胛下——則有不痛者。因肺無痛覺。肋膜乃有痛覺故也。呼吸短促。每分鐘約三十次。多至五十次。在小兒有多至八十或百次者。病至第二日。欬嗽與痛並作。欬聲短而艱苦。直至病漸向愈。欬方得鬆爽。初欬時無痰。旋有少許粘液狀痰。稍帶紅色。蓋血也。此痰極粘稠。在口中時難吐出。在痰盂中。亦難倒出。既而痰色紅褐如鐵鏽。此為肺炎之特徵。痰若作黃綠色者。病人必兼發黃疸。用顯微鏡視此種痰。則肺炎球菌及他種病菌雜居焉。又有已壞之赤血球。支氣管及肺泡之上皮等。小兒則雖欬而無痰。非真無痰。不知咯出。反被嚥下故也。病至第三日。口鼻間發匍形疹。望之如腫。舌苔初起多白。若菌毒劇者。舌必乾燥。往往不大便而腹滿。然亦有瀉泄者。脈搏於寒戰時甚小。熱度昇則洪大而滑實。每分鐘約百至乃至百三十至。若以息計。乃一息六至或七至也。若脈搏細小。皮色青紫者。病必極危。若面色白。手足冷。大汗出者。為腦中樞深中菌毒。此時發病不過四五日。未至心臟衰弱而虛脫。又不若霍亂之因吐瀉而喪失血中水分。故證似四逆。實非四逆一類所主治。腦證狀亦因菌毒所致。除頭痛外。譫妄錯亂常隨熱度俱進。小兒則癡癡作驚風狀。常令人誤認為腦膜炎。然肺炎與腦膜炎併發者。亦所常有。不可不察也。此病大抵至七日以上而熱退。其退也。大汗出。體溫忽然恢復常度。亦有熱以漸

福幼津梁 中州陳雅愉著內容豐富於察色理論審證均極詳明丹方祕方驗方共九百餘最新最詳備家庭及治醫家必備之幼科書也因本刊出世二周紀念聲明由本刊介紹直接到河南焦作陳雅愉寓所函購者每部特價五角五分郵費在外

仲圭醫論彙選

杭州沈仲圭先生著。分論文、藥物、證治、方劑、衛生、雜俎六編。為醫家診餘之良友。病家忠實之顧問。明窗淨几。開卷細覽。不但獲益良多。抑且趣味盎然。洵近年國醫界之佳作也。實價八角。寄費另加一角○五釐。●杭州糧道山十號沈仲圭醫室發行「醫論彙選」

「健康之道」 此二書體裁相全。內容各異。為姊妹編。內貳書同購。減收大洋一元三角。寄費免收。

中醫新生命第二十四號
中華民國二十五年九月三十日出版

不許轉載

主任兼 陸 淵 雷
編 輯 謝 誦 穆
印刷者 辛利印刷公司
上海華德路鴻福里
電話：五三六四六
編輯及 發行處 陸淵雷醫室
上海法租界安里

本刊廣告價目

| | | | | | |
|-------|-------|-------|---------|-------|---------|
| 定價 | 本刊 | 一號 | 六號 | 十二號 | 郵費國內不加國 |
| 一角半 | 七角半 | 一元四角 | 外每十二號一元 | | |
| 全面 | 半面 | 四分之一面 | 一期 | 三期 | 六期 |
| 十元 | 五元 | 三元 | 八元 | 四元 | 二元 |
| 八元 | 四元 | 二元 | 六元 | 三元 | 一元 |
| 六元 | 三元 | 一元 | 五元 | 二元 | 五角 |
| 五元 | 二元 | 五角 | 十二期 | 每期 | 每期 |
| 裏封面底面 | 及顏色紙特 | 頁均照表加 | 半用銅鋅 | 諸版者另加 | 製版費另用 |
| 顏色印者另 | 議刊費先惠 | | | | |

陳涵度書例

陳君涵度姚江知名士其先德儲巖先生能詩工倚聲著有秋水詞問世君世其家學恬於榮利以讀書臨池自娛書法鍾傅三表造詣甚深於北海雲麾嶽麓等碑尤有心得今旅滬濱求書者紛集恐其爲藝役也爰定筆單藉紆勞瘁示非炫鬻云

甲戌始秋七夕前二日同人識

- 堂幅 三尺四元 四尺六元 五尺九元 六尺十四元 八尺廿元
 - 屏條 三尺二元 四尺三元 五尺五元 六尺七元 八尺十元
 - 橫幅 照堂幅例
 - 楹聯 三尺三元 四尺四元 五尺六元 六尺八元 八尺十二元
 - 扇面 冊頁 每頁三元
 - 卷冊 每尺三元
 - 堂匾 齋額 一尺見方 每字三元 過大酌加
 - 書畫題簽 三元
 - 墓碑 壽屏 另議
- 以上行楷一例 潤資先惠

介紹人

- 葉恭綽 費龍丁 孫雪泥
- 陳庸庵 陸淵雷 鄭午昌
- 王一亭 吳湖帆 賀天健
- 馮超然 褚德彝 任董叔

收件處：上海愛文義路八〇九弄四二號

何文綠女史書例

- 堂幅 三尺三元 四尺五元 五尺七元
 - 橫幅 照堂幅例
 - 立軸 照堂幅減二成
 - 楹聯 三尺二元 四尺三元 五尺五元
 - 屏條 三尺元半 四尺二元半 五尺四元
 - 扇面 冊頁 每頁二元
 - 手卷 每尺二元
 - 齋額 一尺見方 每字三元
 - 書畫題簽 二元
- 以上行楷一例 潤資先惠

丙子初夏自訂於水石草堂

收件處：上海愛文義路八〇九弄四十二號